


1023

L. II. 6

Գ Ի Ր Ք Լ



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՉՈՐՍԵՐՈՐԴ ՏԱՐԻ

1909

№ 1

ՅՈՒՆՈՒԱՐ

Թ Ի Ֆ Լ Ի Ս

ԷԼԵԲՏՐԱՆՈՐԴ ՏՊԱՐԱՆ ՕՐ. Ն. ԱՂԱՆԵԱՆՅԻ, ՊՕԼԻՑ, 7

1909

Մուրալան (պատկեր)	
Հայերը Ռուսիայում. Մ. Բ.	3
Պատկեր. բանաստեղծ. Մուրացան.	12
Քաղցածներ. ԲՅՖՈՐ.	14
* * Բանաստեղծ. Յար. Պետրոսեանց.	37
Պօլեարնի. I Առաջ. II կեանքի հէքիաթ. Թարգմ.	
Օր. Ն. Աղանեանց.	38
Հոշա-վանք. Ասրաթ.	41
Անի քաղաքի աւերակները. Կ. Լէօնալիփի. Վ. Բ.	50
Մուրացան. Հ. Հ. Հ.	57
ՄԱՏԵՆԱԽՕՍԱԿԱՆ	
Իւրիյ Վեսելովսկի. Ժամանակակից Հայկական	
պօէզիայի մի քանի եղանակներ	62
ԱՄՍՈՒԱՅ ՏԵՍՈՒԹԻՒՆ	
Վեհ. Մ. Իզմիրլիան:—Սիցիլիայի աղէտը:—Յօրեկան-	
ներ:—Լուրեր:—Խմբագրութեան ծանուցումն:	70
ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ	
ՍՏԱՅՈՒԱԾ ԳՐԲԵՐ	
ՅԱՅՏԱՐԱՐՈՒԹԻՒՆՆԵՐ	

2000—4000 руб. побочного годового дохода для каждого!!!

Золотая медаль

Парижъ 1905 г.

Кто за 300—600 руб. (допускается разсрочка платежа) приобретает у насъ машину съ ея рецептами указаніями и т. п. для устройства завода по выдѣлкѣ: фруктовыхъ, ягодныхъ, шипучихъ, сельтерскихъ и т. п. искусственныхъ минеральныхъ водъ, лимонадъ-газесъ, разныхъ квасовъ, меду и французскихъ фантастическо-прохладительно-игристыхъ напитковъ и винъ (сидръ, шербетъ, шампанъ и т. п.)

Подробности бесплатно. Смѣты и богато иллюстрированные прейсъ-куранты высылаетъ только за 15 шт. 7 коп. почтовыхъ марокъ. Фабрика машинъ ИППО И К. Варшава. Грибная ул. соб. д. № 15.


ԽՄԲԱԳՐԱԿԱՆ ԱԶԴ

«ԼՈՒՄԱՅԻ» այս համարը ուղարկւում է մեր նախկին բաժանորդներին՝ բոլորին։ Յանկացողները ստանալ 1909 թ., թող բարեհաճեն անմիջապէս նորոգել բաժնէզրութիւնը, որպէսզի խմբագրութիւնը կարող լինի անհրաժեշտ կարգադրութիւններ անել։


Այն բաժանորդներին, որոնք ՉԵՆ ՎԵՐԱՆՈՐՈՓԻ իրենց բաժնէզրութիւնը, խմբագրութիւնը ստիպուած կլինի դադարեցնել «ԼՈՒՄԱՅԻ» առաքումը։

Որովհետև «ՀԱՅՐԵՆԻՔ» թերթը խմբագրութիւնից անկախ պատճառներով ժամանակաւորապէս դադարում է, 1909 թուին գրուող «ՀԱՅՐԵՆԻՔ» բոլոր բաժանորդներին կուղարկուի «ԼՈՒՄԱՅ» ամսագիրը։

ԽՄԲԱԳՐՈՒԹԻՒՆ։



Գ Ի Ր Բ Լ



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՉՈՐՍԵՐՈՐԴ ՏԱՐԻ


1909

№ 1


ՅՈՒՆՈՒԱՐ

Խ Ի Յ Լ Ի Ս

ԷԼԵԲՏՐԱՅԱՐԺ ՏՊԱՐԱՆ ՕՐ. Ն. ԱՂԱՆԵԱՆՅԻ, ՊՕԼԻՑ. 7.
1909



Արքեպիսկոպոս



ՀԱՅԵՐԸ ՌՈՒՍԻԱՅՈՒՄ

Ա.

Սովորաբար Ռուսիայի պատմութիւնը սկսում են 862 թուից, երբ Սլավոնների մի քանի ցեղեր միանում են Վարեագ իշխանների կառավարութեան ներքոյ: Վերոյիշեալ թուին ռուս-սլավոններին մենք հանդիպում ենք Նովգորոդի շուրջը, մինչդեռ ղրանից առաջ նրանք բնակուելիս են եղել այժմեան Կիևի և Կրակովի մէջտեղ գտնուած երկրում:

Առաջին իշխաններին—դար ու կիսուայ ընթացքում—յաջողւում է նուաճել շրջակայ ուրիշ սլավոն ցեղերին էլ ու մայրաքաղաքը դէպի հարաւ Կիև տեղափոխել: Այդ քաղաքը գտնւում էր Բիւզանդիոն տանող ճանապարհի վերայ, իսկ Բիւզանդիոնը Վարեագ իշխանների համար նոյնչափ հրապոյր ունէր, որչափ Հռովմը միջնադարեան բարբարոս ցեղերի իշխանների համար: Բիւզանդիոնը դառնում է նրանց արշաւանքների կէտ—նպատակը: Դնեպը գետով նրանք իջնում էին Սև ծով և ապա Բալկանեան թերակղզու մօտով լողում էին դէպի Բիւզանդիոն: Այսպէս չուեց 907 թ. Օլէգը, նրանից յետոյ Իգորը, Սվեատոսլավը, Օլգան, Վլադիմիրը: Վերջինս 988 թուին բիւզանդացիների միջոցով քրիստոնէութիւն է ընդունում, հռչակաւոր մայրաքաղաքի հետ առևտրական կապեր է հաստատում, և, իր նախորդների գործը շարունակելով, ու նրանց գերազանցելով՝ ամրացնում է Բիւզանդիայի

հետ Ռուսսիայի ունեցած կուլտուրական կապերը: Իր այդ արշաւանքների ժամանակ նա նուաճում է Ղրիմ թերակղզու Կոչսուն քաղաքը և առ հասարակ լայնացնում է Ռուսսիայի սահմանները դէպի հարաւ և արեւելք:

Չնայած ներքին երկպառակութիւնների՝ Ռուսսիայի սահմանները տարեց տարի մեծանում էին, այնպէս որ XIII դդ դարում, Թաթարների արշաւանքների ժամանակ, Ռուսսիան, արդէն մի լայնատարած երկիր էր ներկայացնում, որը արեւմտքից շրջապատուած էր էստէրով, Լիվերով, Լեհացիներով և ուրիշ սլավոն ազգերով. հիւսիսից—Ֆիններով ու Կասէլներով. հարաւում Պոլսւցիների նման թափառական ցեղեր, իսկ արեւելքում Իթիլ (Վոլգա) գետի ափերով բնակւում էին բազմաթիւ մանր ազգութիւններ՝ Մօրզվացիներ, Բուլղարներ, Ղազարներ և այլն: Այս կողմերում յետոյ հաստատուեց Թաթարական Ոսկէ խանութիւնը:

Բ.

Մինչ այդ կողմերում ծագում էր Ռաների աստղը՝ այնտեղ, փոքր Ասիայի խորքերում, մի բուռն Հայեր բուրրում էին իրանց պատմական կեանքի նշանաւոր Բագրատունեաց շրջանը, կուլտուրապէս և քաղաքականապէս զարգացած ժողովուրդ ներկայացնելով: Դարերի ընթացքում նրանք շփուել էին դրացի և հեռաւոր բազմաթիւ ազգերի հետ, վաճառականական կապեր էին հաստատել, ենթարկուել էին օտարների ազդեցութեանը և իրանք էլ ազդել էին ուրիշների վերայ:

Պէս-պէս արհաւիրքները, քաղաքական և կրօնական երկպառակութիւնները, այլ և այլ վաճառականական և կուլտուրական շահերը ստիպել էին Հայերին շատ վաղ թողնել իրանց—շատ անգամ անհիւրընկալ—հայրենիքը և օտարութեան մէջ բաղտ որոնել:

Հայերը երբեք կղզիացած չեն ապրել, ուստի հա-

ւանական է, որ նրանք շփուած լինեն Ռուս ժողովրդի հետ վերջինիս ինքնուրոյն և պատմական կեանքի հէնց առաջին քայլափոխին. բայց մենք չենք կարող մինչև իսկ մօտաւորապէս որոշել թէ երբ է (որ դարում) տեղի ունեցել այդ առաջին շփումը, երկու ազգերի հանդիպումը: Պէտք է ենթադրել, որ նախ և առաջ Ռուսսիայի վրայով անցել են հայ վաճառականները, երթևեկելով Արևելքից—Արևմուտք, միջնորդ հանդիսանալով Եւրոպացի 1) և Ասիացի վաճառականների միջև: Առևտրական այդ ճանապարհը պէտք է անցնելիս լինէր այժմեան Հարաւային Ռուսսիայով, մօտաւորապէս հետևեալ ուղիով՝ այժմեան Ունգարիայի կողմերից, ցամաքով, Պօլովցիների (նախկին սկիւթացւոց) դաշտավայրով մինչև այժմեան Ազով (նախկին Ազախ) ծովը, յետոյ Դոն (նախկին Թանայիս) գետով մինչև Վօլգա (նախկին Իթիլ) գետը: Արևմտեան Եւրոպայի նոյն կողմերից կարելի էր գալ և ջրով Դոնայով կամ հիւսիսային Դնէստրով իջնել Սև ծով. այստեղից կարելի է երթալ Բիւզանդիոն, Տրապիզոն և կամ մտնել Ազախ ծովը ու Դոնի վրայով էլի հասնել Իթիլ գետին: 2)

Ղրիմի հարաւային ափերը այս առևտրական երթևեկութիւնների հանգստի վայրերն են եղել:

Իթիլ գետով վաճառականները բարձրանում էին հիւսիս, դէպի Բուլղարական հարուստ թագաւորութիւնը, կամ իջնում էին մինչև այժմեան Արտրիա քաղաքը, որը Իթիլ էր կոչվում և որի Խաղարան կոչուած մասում արևելեան և արևմտեան վաճառականները իրանց պահեստները ունէին: Շատ անգամ վաճառականական նաւերը մտել են Կասպից ծովը, հասել են նրա հարաւային ափե-

1) Այսպէս է *Соловьев-ի*, *Карамзин-ի*, *Костомаров-ի* և այլ ռուս պատմաւանների կարծիքը: Տես նաև *Исторія Армянскаго Народа С. Г. Гинка*. М. 1833 г. часть I II, Գ. Քանանեանի ճեմարանական ճառը, Գր. Ջանշեանի յօդուածը ևայլն:

2) *А. Сувбординъ*, Къ вопросу о торговых сношеніяхъ Россіи съ Востокомъ, Вѣстникъ воспитанія № 6, 1906 г.

րին, և Անդրկովկասեան ու Փոքրասիական ազգերի հետ առևտուր են ունեցել:

Արևելեան և արևմտեան ազգերի այս յարաբերութիւնների ժամանակ անտարակոյս վերջին դերը չեն կատարել հայերը, որոնք ի վաղուց հետէ առևտուր են ունեցել Պարսկաստանի, Հնդկաստանի և գուցէ Զինաստանի հետ: Եւրոպացի վաճառականների համար նրանք պէտքէ լաւ միջնորդներ և մատակարարողներ լինէին, մասնաւորապէս Կասպից ծովի կողմերում:

Գ

Հայերը կարող էին Ռուսսիա մտնել հարաւից, Արևելքից, մասամբ էլ Արևմտքից, եթէ նախօրօք գտնուում էին Եւրոպական երկրներում: Հարաւային կողմից Ռուսսիա մտնելուց առաջ Հայերը պէտք է որ նախ ծանօթանային Սև ծովի Փոքր Ասիական և Կովկասեան ափերի հետ, մտնէին Սև ծովը, անցնէին Ղրիմու թերակղզու կողմերը: Այդ գործը հայերը կատարել էին դեռ Յոյների և Հռովմէացիների տիրապետութեան ժամանակ, առևտրական կապեր հաստատելով ոչ միայն Աթէնքի և Հռովմի հետ, այլև Փոքր Ասիայի ծովեզրեայ գաղութների հետ: Մասնակցելով Յունական և Հռովմէական նուաճողական պատերազմներին—Հայերը անշուշտ լաւ ուսումնասիրած կլինէին ամբողջ Սև ծովը և նրա բոլոր երեք ափերը: Գուցէ այդ ժամանակներում այդ վայրերում առաջին հայ գաղթականութիւններն էլ են հաստատուել: Աւելի քան հաւանական է, որ արդէն 1 դարում Ք. ա. հայերը երևացին Ղրիմում, երբ Հայոց թագաւորի փեսայ Միհրդատը հաստատուեց այդ կողմերում, իբրև Ոսփորեան թագաւոր: 1 Անտոնեան կայսրը Ոսփորը Հայաստանի հետ միասին տալիս է Պօլէմօնին. իսկ սրա որդին Զէնինը ժառանգութիւն է ստանում միայն Հայաստանը: Բայց Հայաստանի թագաւոր կոչուելով հանդերձ նրանք շարու-

նակում էին ապրել Ղրիմում և հաւանական է, որ Հայերը այդ միջոցին քաղաքական և տնտրական յարաբերութիւններ հաստատէին հռչակաւոր Ոսփորեան Թագաւորութեան զանազան վաճառական վայրերի հետ: 1)

Սև ծովի Բալկանեան ափերի հետ հայերը ծանօթացան նոյնպէս շատ վաղ, յամենայն դէպս Անիի առաջին աւերումից (XI դ.) շատ առաջ: Յայտնի Հայագէտ Պ. Ն. Մառը կարծում է, որ Քաղկեդոնի ժողովից յետոյ հայերի մէջ երկու մեծ կուսակցութիւն է կազմուել՝ Քաղկեդոնականների և Հակաքաղկեդոնականների և որ վերջինները, որպէս ազգային ուղղութեան ներկայացուցիչներ, յաղթող են հանդիսացել ընդհանուր պայքարում: Քաղկեդոնականներն էլ, քաղաքականապէս յաղթուած, դուրս է հալածուած, ստիպուած են եղել սակաւ առ սակաւ գաղթել դէպի այն երկիրները, ուր ապրում էին նրանց դաւանակից ազգերը՝ Վրացիները և Բիւզանդացիները: 2) Պէտքէ կարծել, որ Բիւզանդական Հայագգի զօրավարների, նախարարների, վերջապէս կայսրների (մասնաւորապէս ամբողջ Մակեդոնեան կոչուած կայսերական տոհմը) մեծ մասը այս Հայաստանից գաղթած ուղղափառ հայերից են դուրս եկել: Բայց Բիւզանդական կայսրութեան լայնածաւալ սահմաններում ուրիշ շատ հայեր էլ կային, որոնց մի մասը Բիւզանդիոն էր գաղթել քաղաքական հանգամանքներից ստիպուած 3), մի մասը վարձկան զինուորներ էին, մի մասը — վաճառականներ, որոնք ապրում էին գրեթէ բոլոր ծովեզրեայ մեծ քաղաքներում. չմոռանանք

1) Станиславъ Сестренцевичъ Богунъ, Исторія Царства Херсонск Таврическаго I и II т. 1806 г.

В. Х. Кондараки Въ память столѣтія Крыма, М. 1883 г. т. т. 1—10.

2) Марръ Н. Аркаунъ, монгольское названіе христіанъ, въ связи съ опросомъ об армянахъ Халкедонидахъ. Византійскій Временникъ № XII, 1906 г.

3) Մ. Առօթ-ի անպիտան գրքոյկի մէջ, չգիտեմ ինչ աղբիւրների հիման վրայ, յիշում է, իբր թէ VIII-դ, Շապուհ Ամասունին, նեղուելով Արաբներից, թողնում է հայրենիքը և 12,000 հայերով գաղթում է Բիւզանդիոն. իսկ այնանգից հետեւալ երկու դարերի ընթացքում դրանց սերունդը գաղթում է դէպի Իտալիա, Ունգարիա, Հենաստան, Ռուսիա և Ղրիմ...

յիշել նաև Պաւլիկեան աղանդաւորների գաղութը, որ լռնի կերպով բնակեցրած էր Բիւզանդիայի և Բողարական թագաւորութեան սահմանագլխում (IX-րդ դարում):

Հայերի վարկը և նշանակութիւնը Բիւզանդական կայսրութեան մէջ շատ մեծ էր. արդէն VI-րդ դարուց սկսուած Բիւզանդական կայսերական գահի վերայ մենք բազմած ենք տեսնում քաջարի Հայ զորապետներին: 1) 708 թուին հայ աքսորական զօրավարի առաջնորդութեամբ ապստամբում է Քերսոնէ քաղաքը և Յուստինոսին շարդելուց յետոյ նրան կայսր է հրատարակում: Այդ Վարդան զօրավարը Փիլիպպէոս անունով թագաւորում է Բիւզանդիոնում 711 թուից մինչև 713 ը 2): Մի ուրիշ Վարդան, հարիւր տարի անցնելուց յետոյ, նոյնպէս ապստամբում է, բայց տնյաջող. նրա սկսած գործը շարունակում են նրա ընկերները, որոնցից Միքայէլին (Հայազգի) կրկին յաջողւում է գահ բարձրանալ: Լէօն V-ը (813-820) նոյնպէս հայ էր: Վերջապէս Բագրիւրոս I-ը (Բարսեղ) 876 թուին սկիզբն է դնում Հայկազեան տոհմի գահակալութեան, որը գրեթէ 200 տարի է տևում: Մակեդոնիայից եկած լինելով այդ տոհմը Մակեդոնեան կոչուեց 3):

Հայազգի կայսրները չէին ծածկում իրանց հայ լիւնելը (մինչև իսկ աշխատում էին ապացուցանել, որ իրանք Արշակունեաց տոհմից են). շատ անգամ ամուսնանում էին հայազգի զօրավարների և պալատականների աղջիկների վերայ:

1) Այդ մասին յիշատակում են հայ և բիւզանդական պատմաբանները. տես Собрание Актовъ, относящихся къ обозрѣнію исторіи армянскаго народа I, II и III част. М., 1836—1838.

2) Ն ի կ ի փ ո Ր Ո Ս Ի մ ՕՒՄ առւած է՝ Berdunem guemnam armenum exu-em imperatorem salutant... տես նոյնպէս Ксенокс, О древностяхъ южнаго берега Крыма, С. П. Б. 1837, Եւ. Հ. Մ. Բ ժ շ կ ե ա ն ց՝ ճանապարհորդութիւն ի Լեհաստան 1830, Վենետիկ.

3) Հայազգի կայսրների մասին տես Գ Է Լ ց ե ը-ի բիւզանդական կայսրների պատմութիւնը. նոյնպէս բիւզանդագէտ А. Васмиевъ-ի Византия и Арабы на родине армян, երկնաոր: Մասնաւորապէս Մակեդոնական տոհմի մասին նա յօդուած ունի Византийскій Временникъ ժողովածուի XII հատորում (1906):

Հայ տարրը այդ ժամանակուայ բիւզանդական կեանքի բոլոր ասպարէզներում նշանաւոր դեր էր խաղում. մասնաւորապէս զօրքի մէջ, ուր ոչ միայն Հայ սպաներ ու հրամանատարներ կային, այլ և ամբողջ գնդեր հայ զինուորներից բաղկացած:

Դ.

Ահա այս չեզոք—բիւզանդական հողի վերայ տեղի է ունենում Հայերի և Ռուսների միջև առաջին շփումը, որի մասին մենք ունենք արդէն պատմական, գրաւոր տեղեկութիւններ: Ռուս իշխանները իրանց զօրագնդերով ընդհարում էին Քէրասնացիների, Բուլղարների¹⁾, Բիւզանդացիների հետ. մտնում էին նրանց սահմանները, զաշն էին կապում ևայլն. նրանք կարող չէին գործ չունենալ Բիւզանդացի Հայազգի կայսրների, պալատականների, զօրավարների և նոյնիսկ զինուորների հետ: Հայկազեան տոհմի տիրապետութեան օրով, երբ Բիւզանդական պալատում բազմաթիւ հայ բարձրաստիճան պաշտօնեաներ կային—թիկնապահների թւում յիշում են նաև ոսները:

Այսպէս 946 թուի մի պալատական ընդունելութեան ժամանակ պալատում եղել են բազմաթիւ քրիստոնէութիւն ընդունած ոսներ՝ զինուած սրերով և ձեռներին դրօշակ: ²⁾

Այստեղ շփուելուց և միմեանց ծանօթանալուց յետոյ —հայ և ռուս զինուորները միասին, մի զրօշի տակ, պատերազմում են բիւզանդական զօրքերում և նաւատորմովում, ընդդէմ արտաքին թշնամիների, իհարկէ զլիաւորապէս ընդդէմ Արաբների: Իմերոս զօրավարի արշաւանքի ժամանակ (910 թ.) նրա զօրագնդի մէջ բացի Թրաքիացիների, Մակեդոնացիների և այլոց կային նաև հայեր

1) Քորսուն կամ Խերսոնիս Ղրիմու ծովափնեայ քաղաք էր: Այստեղ խօսքը Բալկանեան բուլղարների մասին է:

2) См. Карамзинъ История Государства Россійскаго т. I, прим. 384.

և 700 հոգի ռսներ. վերջիններս երևի օգնութեան էին եկել Բիւզանդացիներին Օլէգի հետ կապուած պայմանագրի (907 թ.) հիման վերայ: Հայ զինուորների թիւը 2000 էր՝ Սեբաստիայից 1000 ձիաւոր, Պլուտանիայից — 500 և Պրինէից — 500. Կոնստանդինոս Բերփերոժանը հաղորդում է նաև թէ քանի էին ստանում օրական հայ ձիաւորները: 1) 949 թուի Կրէտական արշաւանքի ժամանակ ևս Բիւզանդական զօրքի և նաւատորմի մէջ յիշուում են ի միջի այլ ազգերի ռսները (600 հոգի) 2) և հայերը (Անատոլուց—1000 հոգի, Թրաքեսիական թէմից— փոխադրուելու համար պատրաստի նաւեր չլինելու պատճառով—փոխանակ 600-ի, միայն—50 հոգի 3): Սիկիլիայի դէմ մղուած պատերազմի ժամանակ էլ (964 թ.) Բիւզանդական զօրքի մէջ գտնուում էին բացի յոյներից, նաև պարսիկներ, ռսներ, հայեր:

Յայտնի է, որ ռուսաց Օլգա իշխանուհին Բիւզանդիոնում քրիստոնէութիւն է ընդունում, իսկ նրա թոռը՝ Վլադիմիրը, նոյնպէս Բիւզանդացիների ազդեցութեան տակ քրիստոնէութիւն ընդունելով—988 թուին բոնի կերպով քրիստոնէութեան գիրկն է դարձնում նաև իր հպատակ ռուս ժողովուրդը: Այդ իշխանը ամուսնացել էր հայազգի Ռոմանոս II կայսեր Աննա աղջկայ հետ, որը Ռուսիա գնալով հաւանօրէն տարած լինի իր հետ իր պալատական կանանց և սեփական թիկնապահներին. չպէտք է մոռանալ, որ նա հարս էր քնում բարբարոս երկիր: Ահա այդ շքախմբի և պալատականների մէջ է հարկաւոր որոնել այն հայերին, որոնք առաջին անգամ եկան Ռուսիա և սկսեցին ծառայել ռուս արքունիքում:

1) См. А. А. Васильевъ, Византия и Арабы (867—959) С. П. Б. 1902. Բիւզանդական կայսրները ըստ երեւոյթին զաղթեցնում էին երկրի սահմանադրուիները և նրանց յանձնում սահմանի պաշտպանութիւնը թշնամիների յարձակումներից, այսինքն հայերը անում էին նոյնը, ինչոր զազախները Ռուսիայում:

2) Карауликъ—ibid.

3) Васильевъ—ibid.

Սա միակ դէպքը չէ, որ ոռւս իշխանները խնամէական կապեր են հաստատում Բիւզանդիոնի Հայազգի կայսր-ներին հետ. այսպէս Վսէվոլոդ ոռւս իշխանը ամուսնանում է Կոնստանդին Մոնոմախոսի աղջկայ հետ, որոնց որդին էր հռչակաւոր ոռւս իշխան Վլադիմիր Մոնոմախոսը (1113—1125 թ). 1)

Քաղաքական յարաբերութիւնների հետ զուգընթացաբար գնում էին առևտրական յարաբերութիւնները: Պօլիսը այդ միջոցին առևտրական յարաբերութիւնների կենդրոն էր և գրաւում էր ոչ միայն Հայերին, այլ և ամենահեռաւոր ազգերին: X-րդ դարում ոռւս վաճառականները՝ Նովգորոդից, Սմոլէնսկից, Չէրնիգովից և այլն արդէն ունէին Պօլսում իրանց քարվանսարան և կենդանի առևտրական յարաբերութիւնների մէջ էին տեղացի և եկուոր վաճառականների հետ: 2)

Ռսների և Բիւզանդացիների մէջ X-րդ դարուց սկըսած շարունակում են անընդհատ յարաբերութիւններ, ուստի ոսները բազմաթիւ առիթներ ունէին ի մօտոյ ծանօթանալ կայսրութեան մէջ առաջնակարգ դիրք ունեցող Հայ տարրի հետ, Հայերի բնաւորութեան վարչական, պատերազմական և առևտրական ընդունակութիւններին, առևտրական աչքբացութեան, գուցէ և դաւանանքի հետ, եթէ ենթադրենք, որ Բիւզանդիոնում բացի բաղկեղոնիկ Հայերից-կային Հայաստանեայց եկեղեցու գաւակներ ևս:

Մ. Բ.

(Կը շարունակուի)

1) Տես այդ մասին և առհասարակ բիւզանդական յարաբերութիւնների մասին Փ. Կարպովսկի *Изучение Византийской истории и ее тенденціозное при-ложение въ древнемъ Руси*. Кіевъ 1876.

2) А. Бэръ. *Исторія Всемирной Торговли*, пер. Циммермана, 1876 г. стр. 148.

Պ Ա Տ Կ Ե Ր

I

Դեռ մութ գիշեր, երկրի վրայ
Փռած ունէր իւր թևեր,
Դեռ մարդկային սիրտն անղգայ
Քնոյ գիրկը կը թմրէր.
Մեռած ասես ամբողջ բնութիւն,
Ոչ աղաղակ, ոչ շշուկ.
Կարծես հատած է մահուան քուն
Ամենուն էլ ձայն ու շունչ,
Չի երևում ոչ նուազ լոյս
Ոչ աստեղաց փայլ ու շող
Իմ էլ կարծես հանգչում է յոյս
Արև տեսնել ոսկեշող:

II

Տխուր գիշեր, և արթնութեան
Ո՛վ ատելի արարած.
Քո մէջ ճիշտ որ Հայի կենաց
Պատկերն ունիս նկարած,
Նրա անշարժ, անշունչ մարմին
Դրուած կարծես դադաղում,
Նրա անհոգ, թմրած հոգին,
Որ չէ ուզում արթնութիւն,
Նրա կեանքը, նրա վիճակ
Որ ճնշման տակ և տխուր
Մնում է միշտ փրկող աչքից,
Յաւէտ անտես և անլուր.

III

Բայց, ահ, յանկարծ հաւը խօսեց,
Տալիս է նա աւետիք
Թէ լուսոյ ելքն արդէն բացուեց
Խաւարն արագ կ'լինի չիք,
Կարծես, կասէր, պէտք է վանել
Միտք ու ցնորք յուսահատ,
Խաւարի դէմքն էլ մաքառել
Յուսալ, գործել անընդհատ,

Իրաւ, աչքս երբ դարձուցի
Դէպ սենեկիս պատուհան
Հեռուն իսկոյն նշմարեցի
Արշալուսոյ ծիածան:

IV

Ո՛հ, ինչ սիրուն պատկեր ունիս,
Աւետաբեր արշալոյս,
Բեզմով իբրու կարթնու հողիս,
Կը վառուի իմ մարած յոյս:
Թէպէտ մթան մէջ ու հեռուն
Կերկցնես քո պատկեր,
Թէպէտ դուրսը միշտ արեան գոյն
Ծածկած ունի քո լապտեր.
Սակայն ծոցիդ մէջ անկասկած
Արևու գունդ կծած կես,
Ի՛ստաւուտեան ժամպ դարկած
Ջայն մութ երկրին կրաշխես....

V

Բայց մեր էլ երբ պիտի փայլէ
Աւետաբեր արշալոյս,
Մեր արևը երբ պիտ հինէ՞.
Պսակել խեղճ Հայի յոյս:

VI

Այո, քո մէջն էլ կտեսնեմ
Մեր յուսալիր ապագան,
Այո հայն էլ լոյս կտեսնէ
Միայն թէ լինի միաբան
Հայի խաւարն էլ կցրուի,
Շատ չի տեիր գերութիւն
Գէթ մեր միջէն եթէ վերցուի
Մեր անտարբեր սառնութիւն.
Եթէ գործից յետ չփախչին,
Որոնք ունին ոյժ ու կար,
Եթէ լեզուի հետ վաստակին
Չեոք ու կորով հաւասար:

1879 20 փետր.

ՄՈՒՐԱՅԱՆ

Ք Ա Ղ Յ Ա Ծ Ն Ե Ր Ը

I.

Սաստիկ ցուրտ՝ ձիւնաշատ ձմեռ էր. ձիւնը ծածկել էր ամեն ինչ՝ թէ լաւը, թէ վատը, և իր միատեսակ ճերմակ սաւանով սքողել էր երկիրը, թաղցրել իր տակ՝ խորդ ու բորդեր, տգեղ ու գեղեցիկ տեսարաններ:

Ս... գիւղում էլ ձմեռ էր, մահաշունչ ձմեռ... պարզ-կայ գիշերներ էր լինում. ցերեկները նոյնպէս սոսկալի ցրտեր էր. թռչունները օդի մէջ սառում էին ու ընկնում գետին՝ անշնչանում... մարդիկ երկիւղով էին դուրս գալիս տներից...

Առաւօտ էր. գիւղը կծկուած էր ցրտից. ամեն մարդ իր տանն է, վառարանի, օջախի շուրջը նստած, ոմանք էլ դուրս էին ելնում տներից գործով ու քայլում ամայի փողոցներով, որպէս ստուերներ. դրանց բերնից դուրս ելնող յորդ գոլորշին անմիջապէս սառում էր ու դաւ զնում՝ բեխերի, միրուքի վրայ. բրդէ թելի նման՝ եղեամբ, խաղում էր սառը օդի մէջ...

Այդ օրը արևն էլ չէր երևում, թաքնուել էր ամպերի ետեւը և չէր վստահանում դուրս գալ՝ իր անզօրութիւնով մրցել—սառնամանիքի հետ. և միայն խաղաղ շարունակում էր իր կարճ ուղին լուռ հեզութեամբ... Իսկապէս երկչոտ էր ու անզօր, որ իր յաղթուած ու դունատ երեսը չէր հանում իրեն ծածկող համարձակ պղտոր ամպերի արանքից: Նորիզոնը մառախլապատ էր, երկինքը յօնքերը կիտել ու տխուր հայեացքով նայում էր՝ ցրտի ձեռքին խաղալիկ դարձած էակներին, որոնցից՝

ոմանք պատասպարուել էին բնակարաններում և իրանց պատրաստ պաշարը վայելում... իսկ ոմանք ընկնում էին այս ու այն կողմ, մի փշուր ուտելիք ճանկելու, իրանց խստապահանջ քաղցը յագեցնելու...

Մարդիկ, ընտանի կենդանիները, թռչունները՝ ուտելու պաշար ունէին. իսկ վայրի կենդանիները, թռչունները՝ չունէին. և բնութիւնը իր անողորմ խստութիւնը դորձ էր գնում, չմտածելով, որ զաւակները կմեռնեն սովաւանջ...

Ողորմելի ճնճողակները թռչկոտում, թրթռում էին բակից-բակ, դռնից-դռու, խառնում, բջջում նոր թափած աղբակոյտերը... ապա թռչում մտնում խոտի դէպերի մէջ, կամ ծառերի ճիւղերի վրայ կուշ գալի ու նիրհող դիրք ընդունում, օրօրւում բարակ ոստիկների վրայ, և երազում՝ գարնան զուարթ, ժպտուն, երջանիկ օրերը...

Գիշերները վայրի կենդանիներից աղուէսը գալիս էր գիւղը, հաւաքներից հաւ գողանում. շատ անգամ ալլ էլ չէր յաջողւում, ենթարկւում էր շների հալածանքին ու սոված փորով փախչում, կեանքը ազատում: Գայլերը մօտենում էին գիւղին, սկսում իրենց աններդաշնակ ունոցը, խանգարում շների հանգիստը. շներն էլ մերթ կաղկանձում էին, մերթ կլանչ-կլանչում, և երբէք չէին սսւնդում... եթէ պատահում էր քամի՝ սուլելով մոնչում էր անհանգիստ, գիշերները դառնում էր մի անտանելի դժոխային համերգ:

Մօտ օրերում մի քանի դէպք էր պատահել, գայլերը շներին փախցրել և պատառոտել գիւղից հեռու:

Գիւղում ասես կենդանութիւնը մեռած էր: Փողոցները դատարկ, ամեն ինչ լուռ էր ու պապանձուած. պապանձուած էր նաև գիւղի միակ աղբիւրը. փոքրիկ գետակն էլ տազ արած, բչացած ջրով, հոսում էր իր մերկութիւնը ծածկող սառուցի տակով:

Վայրի թռչունների, կենդանիների դասին՝ պատկա-

նում էր Օհանեսը Արութը իր ընտանիքով, որ կանգնել էր մի պատի տակ, տխուր, գունատ դէմքով, ձեռքերը ծոցում, նրա տառապող դէմքին նկատում էր թշուառութեան սև կնիքը, որը առհասարակ կրում են խեղճերը, նրա նայուածքն արտայայտում էր վշտի խորունկ գոյութիւնը. ցնցոտիներով հագնուած մարմինը՝ մրսում էր, ականջները կապուտել էին. բեխերը և փափախի ճակատի կողմի մազերը զուաւով էր ծածկուած, բերնից դուրս եկող գոլորշիից և սառը օդի ազդեցութիւնից... Նա անհանգիստ էր ու վշտացած սպասում էր մարդու, մի բարեբարի, որին պատմել էր իր ընտանիքի երեխաների ցաւալի գրութիւնը և խնդրել նպաստ, օգնութիւն... ահա և սպասած մարդը՝ երկու 102 (հաց) ձեռին, տուեց Արութին ասելով.

—Մենք էլ չունենք, վաղը խմորի ենք... ապա խօսքը փոխելով աւելացրեց,— կովդ ի՞նչու չես ծախում... ծախիր ու սովից փրկիր երեխաներիդ... ինձ լսիր...

—Ախր մի կով է, մի տուն, ո՞նց ծախեմ, պատասխանեց Արութը խեղդուած ցաւոտ շեշտով, հացերը դնելով կոնատակը:

—Ծախիր, Արութ, ծախիր, կովը չի օգնի... ասաց բարեբարն ու հեռացաւ:

Արութը սքթած, սառած մարմնով քայլեց դէպի տուն, ձիւնի անախորժ ճոճուոցը հանելով. և՛ քայլում էր և՛ կապուտած շրթունքներով մոմոում, երեւի կովը ծախելու և չծախելու հարցն էր լուծում, կամ մտածում երեխաների ու նրանց սպառնացող սոսկալի վտանգի մասին. նա կանգ առաւ մտքի բեռի տակ, ետ նայեց ու էլի շարունակեց քայլել՝ մտախոհ, երագուն հայեացքով, արագ-արագ:

Հասաւ տուն, կանգնեց դռան առաջ. խրճիթից լսուեցին մանկական խղճուկ ձայներ.

—...Մայրիկ, սոված եմ, հաց տո՛ւր...

Մի ուրիշը աղիողորմ լալով, սիրտ մաշող հեկեկոցով ճչում էր.

—Սոված եմ, սոված եմ...

Մայրը հանգստացնում էր գուրգուրալով.

—Հաց մի լինէք, որդիք, հիմա հայրիկը կգայ՝ հաց կբերի...

Արութը լսելով այդ, սիրտը փուլ եկաւ, աչքերից արտասուք թափուեց. դառնացաւ իր բախտի դէմ ու իրան զսպելով ներս մտաւ։ Աթարի թանձր ծուխը դի-
զուել էր տանը. դառը հոտը անտանելի էր. երեխաները պատառոտուն շորերով հագնուած՝ շարուել էին կրակի շուրջը, տաքացնում վտիտ մարմինները... Տեսնելով հօրը, մանուկներից երկուսը վեր կացան տեղներից ու բազկա-
տարած վագեցին դէպի նա՝ աղաղակելով.

—հաց տո՛ւր... հաց տո՛ւր...

Արութը լացկամեց, կոնատակի հացերը տուեց երե-
խաներին ու սառած մարմնով ընկաւ կրակի մօտ—խո-
նաւ գետնին՝ հառաչելով.

—Ա՛խ բախտ... ճակատագիր, կեանք... օրեր... դը-
ժութի կեանք, անտանելի վիճակ, ան... ան, ասես նրա սրտի խորքի թելերը կտրտուեցին, և մի անյայտ ոգի ձայնակցում էր այդ հառաչանքներին ու լալիս դառ-
նագին։

Երեխաները ձգձգեցին հացը և սկսեցին ագահաբար ծամել. մինչ այդ, տանտիկին Նզսօն լալիս էր ու վշտա-
հար տրորւում. նրա տառապատանջ դէմքը նման էր գե-
րեզմանից դուրս եկած մեռելի դէմքի. աչքերը կարմրած էին, ուռած. թերթեանունքները տմղկուած էր արտասուքի աղի-ջրով. նա իր տարիքին անհամապատասխան ծերա-
ցած էր ու կորովացած, երկար տարիների տանջանքը, ճնշուած դրութիւնը շտապել էր իր կնիքը դրօշմել նրա վրայ։ Արութի տասնուչորս տարեկան աղջիկը՝ Անուշը կծկուել էր տան մօայլ մի անկիւնում ու խուլ հեկեկում, կուսական վճիտ արցունքներ թափում... տեսնելով երե-
խաների ուրախութիւնը, ինքը դադարեց լալուց, աչքերը սրբեց ճղճուած զգեստի փէշերով, և մի «օֆ» արաւ.

այդ «ճֆ»-ը դուրս եկաւ մի կուսական կրծքից, որ դեռ ոտք չի դրել կեանքի շաւղին, բայց արդէն ճաշակել է նրա սպանիչ դառնութիւնը. սեփական կուրծքը հարուած է ստացել ու խորը խոցուել... Նա մեղմիկ քայլերով մօտեցաւ երեխաներին՝ հացը բաժանեց երեք մասի, ամենքին տուեց իր բաժինը և ինքը նստեց կրակի մօտ:

— Անուշ ջան, բախ, դու ինչո՞ւ չես ուտում, դու էլ սոված ես, կեր... ասաց Եղսօն աղջկան, նայելով նրա գունատ խռովայոյզ դէմքին:

— Թող երեխէքը ուտեն, նրանք փոքր են, հրաժարուեց Անուշը, — չեն դիմանայ...:

Մանուկներն ուրախ-ուրախ ուտում էին ագահաբար. մերթընդմերթ էլ իրար բաժին խլում:

Խրճթում տիրեց լռութիւն... լռեցին երեք ճնշուած սրտեր, լռեցին և երեք՝ ուրախ սրտեր. երեքը ցաւատանջ էին, երեքը անհոգ, երեքը վաղաժամ թողումած, երեքը նորափթիթ...

Ծուխը հետզհետէ շատանում էր աթարի մշտավառ կրակից. ծխնելոյզը դժուարանում էր իր մէջ հաւաքել ու արտահանել սառը օդին յանձնել և դրա հետ՝ տան վշտի գէթ մի մասը:

Երկար չտևեց այդ քար լռութիւնը. Արութը քաշ գցած գլուխը բարձրացրեց, շարժեց ծանրաբար, դարձաւ կնոջը.

— Եղսօ, մեր դրութիւնը օրաւուր վատանում է, սովը բուն է դրել մեր տանը, հարկաւոր է մի ճար, մի հնար անել և այդ ճարը այն կլինի, որ մեր ունեցած մի հատիկ կովը ծախենք, մեր երեխաներին ազատենք անողորմ սովի ճանկերից... Ի՞նչ կասես:

Կինը շուարած ֆնաց, շշմեց, ասես շանթահարուած... Նա կովը երեխաներից շատ էր սիրում, խորապէս ազդուեց, սիրտը ճմլուեց, լեզուն բերանում չորացաւ, ոչինչ չկարողացաւ պատասխանել, լռեց. խորասուզուեց մտքերի ծովը... Նա իր տննման Ջէյրանին չէր փոխի ողջ գիւղի հետ, չէր

փոխի նոյնիսկ ողջ աշխարհի հետ: Ջէյրանը աննման էր, Ջէյրանը անզուգական էր Եղսօի համար. նա լաւ կհամարէր զրկուել զաւակից, քան սիրուն կարմիր Ջէրանից, որը իրանից շատ երախտիք ունէր երեխաների տան վրայ... մի ընտանիք կերակրող էր Ջէյրանը, ինչպէս զրկուել նրանից. դժուար էր, շատ դժուար, մահու չափ ծանր... մտածում էր Եղսօն, և շարունակում լռել՝ մտահոգ, ներքնապէս յուզուած...

— Հ'ը, ինչ կասես, կրկնեց Արութը:

Դարձեալ լռութիւն... Արութն զգում էր պատճառած ցաւը, բայց ինչ արած, պէտք էր փրկութեան մի ելք որոնել. եթէ ոչ կմեռնեն սովատանջ ու քաղցած... արդէն սովը իշխում էր, և դրա հետեանքը կլինէր մահը... սոսկալի մահը...

Արութը հարցը երեքկնեց:

Երկար լռութիւնից յետոյ, վերջի վերջոյ Եղսօն պատասխանեց.

— Դու գիտես... բայց վա՛յ էդ պատասխանին, որ սըրտի խորքից, մի խորունկ— ախ էլ՝ հետը դուրս բերեց:

Անուշը աւելի տխրեց, նրա կուսական քնքոյշ սրտին ևս ազդեց Ջէյրանը ծախելու վճռականութիւնը:

Այդ ժամանակ մանուկներն էլ ծամծմում էին հացը՝ անհոգ ժպտալով:

Արութը լռութեամբ դուրս գնաց...

II

Կովին եղջիւրները թոկով կապած, Արութը բերել էր բակը: Կովը կարմիր էր, գեղեցիկ գէմքով, ճակատի մէջ տեղը կար՝ եռանկիւնաձև սպիտակ նշան. կովը վշտոտ էր երևում, աչքերում տեսնւում էր արտասուք. նա իր բաժանուելու և վերջին հրաժեշտի արցունքն էր թափում ու ողբում մօտալուտ մահը, որ վերջ պիտի դնէր սպանդագործի՝ վիզ կտրելու համար մկրտուած՝ դանակը:

Տան անդամները, բացի մէկից, շրջապատել էին կովին, վշտահար դիտում ու լալիս... մի տան յոյս էր, մի

տան ապաւէն, տանում են ծախելու, ինչպէս լաց չլինել, զրկւում են այդ յոյսից:

Եղսօն մօտեցաւ կովին, համբուրեց ճակատը, պոռչները, պարանոցը ու ետ կանգնեց՝ գոչելով.

—Ա՛խ, Ջէյրան, զրկւում են քեզանից... բալէք, ձեր երկրորդ մօրը տանում են...

Արութը՝ կովը բաշելով առաջ գնաց:

Տեսարանը սրտաշարժ էր ու յուզիչ. քարը լաց կլիներ, երբ տեսնէր երեխաների հոգեմաշ լացը, հեկեկոցն ու յուսահատ ճիչերը...

Մէկը բղաւում էր.

—Վա՛յ, տարան Ջէյրանին...

—Մեր կովը ո՛ւր են տանում... լացակամած աղաղակում էր միւսը:

Իսկ Անուշը հանդարտ լալիս էր:

Մեռած մարդու վերայ այնքան չէին լալ ու հառաչիլ, որքան այդ կովի համար:

—Գնացէք տուն, բալէք, գնացէք, սառաք, ասաց Եղսօն շարունակելով նայել ամուսնու ետևից:

Երեխաները հեռացան:

Եւ երբ կոմիւ ու ամուսինը ծածկուեցին իսպառ, ինքն էլ հառաչելով մտաւ տուն: Տունը արդէն ազատուել էր գորշ ծխից, աթարի կրակը հանգել, բացուել էին սև ծխոտուած մռայլ անհամբոյր գերանները, պատերը. մռայլ տեսք էին ստացիլ խրճիթի առարկաները. սև ու մռայլ էր ամեն ինչ, ինչպէս խրճիթում պարտկուող ճակատագրի սև կողմին արժանացած էակների սրտերն ու դէմքերը...

—Ի՞նչ պիտի ուտենք, մայրիկ, հարցրեց Անուշը թոյլ ձայնով:

—Մեր հարեան Սաթօից փոխ կառնես... մինչև հիմի չէր տալիս, բայց այսօր կտայ, որովհետև կասես— կովը տարանք ծախելու... շուտով ալիւր կառնենք, հաց կթխենք— ասաց Եղսօն ու մօտեցաւ օջաղին՝ կրակը նորոգի:

— Էս մի շաբթից աւել է, — խօսեց Անուշը, — ամեն օր գնում եմ, միայն առաջի օրն է տուել, իսկ մնացած օրերը ասում էր՝ — մենք էլ չունենք. հա, մի օր էլ ասաւ՝ — ձեզ տամ, ումից ստանամ... Էդ խօսքը սրի պէս տընկուել է սրտումս... զիտե՞ս մայրիկ, ինչքան անտանելի է, երբ մի բան ես ուզում — չեն տալիս ու վրէժն էլ մի քանի թթու-կծու խօսք են ասում... վերջացրեց ու փէշը տարաւ դէպի աչքերը:

— Լաց մի լինի, բալաս, այդպէս են մարդիկ, այդպէս է աշխարհս. ունեւորը՝ չունեւորին չի պարտական, հարուստը՝ աղքատին, ասում են դրանք. բայց չգիտեն, որ մի օր էլ հարուստը կաղքատանայ, աղքատը՝ կհարստանայ. աշխարհս աստիճան-աստիճան է, որդի, մէկը վեր է գնում՝ երանութիւն, երջանիկ կեանք վարելու... մէկը վայր է գալիս՝ ցաւ, տանջանք, դառնութիւն ճաշակելու, որպէս մենք ենք, բալաս... Բայց մենակ մենք չենք այսպէս խեղճ. մեզ պէս հազարաւոր խեղճեր կան էս ապառաժ աշխարհում, էս անգութ երկրում...

Դրսեից լսուեց տաւորի բառաչ, հետն էլ՝ «հօ, հօ»:

Եղսօն շտապեց դուռը. Արութն էր. կովը երկար պտտել էր գիւղում, ամենքին ասել, մինչև անգամ խնդրել, որ առնեն, այնուամենայնիւ՝ ոչ ոք չի կամեցել, չի ցանկացել գնել. հիմա յետ է բերել և ուզում է Ջ... աւանը տանել, այնտեղ ծախել: Կնօջն ասաց, բաշլըղը բերի, և որ քանի շուտ գնայ կծախի ու շուտ կվերադառնայ. գուցէ այնտեղ աւել գնով վաճառի... Մենակ չէր գնում Արութը, հինգ հոգի էին. հինգին էլ ցաւն ու կարիքն էր ստիպել այս դաժան ահարկու ձմրանը ճամբորդել, այն էլ՝ այն վտանգաւոր ճանապարհով, որ քանի քանիսի մահուան պատճառ է եղել, բուք բորան արել՝ խեղդել, անշնչացրել...

Եղօենց Ասօն էլ եզն էր տանում նոյնպէս ծախելու, ընտանիքի ցաւն ու կարիքը հոգալու... Երկու կենդանին առաջ արին ու հինգով ճանապարհ ընկան...

Եղածն նայում էր՝ ամուսնու և տարուող տան միակ յոյսի ետևից տխուր դառնութեամբ. նրա մտքերը պաշարուած էր սև երևակայութիւններով... այն ճանապարհը, որով պիտի անցնէր ամուսինը, շատ քարասիրտ էր, անուղորմ. ձմեռ չէր լինի, որ այդ ճանապարհին մարդ թիփախեղդ չլինէր, բուք բորանի չհանդիպէր, չ'անյայտանար ձիւնի տակ. երկիւղ էր անում Եղածն ամուսնու մասին ու նախապաշարւում՝ մոայլ, սև մտքերով. նա շարժուեց տեղից և մտախոհ, ծանր քայլերով մտաւ տուն:

— Հայրիկը գնաց շհարը*), որդիք, այնտեղից ձեզ համար շորեր կբերի, որ հագնէք, էլ չմըսէք... փող կբերի, հաց կառնի, որ ուտէք կշտանաք, էլ չսովէք...

— Բա մեր Զէյրանը ո՞վ պտի ըլի, հարցրեց մանուկներին մէկը՝ տխուր:

Մայրը պատասխանի փոխարէն հռաչեց ու լռեց:

Մի առժամանակ խրճսւմ իշխեց լռութիւն...

Օջաղը բռնուալով վառւում էր. երեխաները դարձեալ պրաւել էին իրանց տեղերը՝ օջաղի շուրջը, տաքացնում էին սառած, մերկ, վտիտ մարմինները:

— Անուշ բալաս, գնա Սաթօից երկու հաց բեր փոխ, երկու օր է բերանս նշխարք**) չեմ գրել, անօթի եմ, գնա, որդի, գնա...

— Մայրիկ, ես էլ սոված եմ, սիրտս տրորւում է. երկու օր է գնում, ես էլ ոչինչ չեմ կերել... գնամ, տեսնենք դա էլ կտայ, թէ իր դայդի կըչբի, ասաց Անուշն ու դուրս գնաց:

Մայրը նայեց աղջկայ ետևից և գլուխը օրօրեց.

— Քօռանամ ես, որդի, բո հասակակիցները՝ երջանիկ, ուրախ գուարթ՝ խաղում են, թռչկոտում... մինչդեռ դու կուշտ փորով, հաց էլ չես ուտում... Ա՛խ Աստուած, սա էլ Քո ստեղծածը չէ... Խնչու մէկին հասցնում ես՝ մեծ փառքի, վայելքի, որ չգիտեն ինչպէս շուայլել ու

*) Գիւղացիները թէ քաղաքին, թէ գիւղաքաղաքին «շհար» են ասում:

**) Պատառ հաց:

ծախսել... իսկ միւսին՝ օրուայ հացի կարօտ, մեքէ, քաղցած, սրա նրա՝ դուռը ընկած, որ լաց ու կոծով է անց կացնում օրուայ շատ մասը, աղերսելով մուրալով է ապրում... Անարդար դատաստան է...

Դուռը ճռուաց. Անուշը ներս մտաւ.

— Մայրիկ, ասում է՝ չունենք, բեզ ասել եմ, որ էլ չգաս մեր տուն, և շատ էլ նեղացաւ, բարկացաւ վրաս՝ ասաւ՝ «կորի»:

— Ոչինչ, որդի... Մարիամի տունը գնա. ասա՝ հայրիկս կովը ծախելու է սարել, շուտով հաց կունենանք... ձեր փոխը կըտանք... խօսեց Եղսօն լալկան ձայնով, — Քար հարեաններ, ապառաժ, անգութներ... բա ձեր խիղճը մեռած է, որ սովածը ձեզնից հաց է փոխ ուզում՝ չէք տալի... անգութ անխիղճներ...

Անուշը՝ գնաց եկաւ, մի հաց փէշում փաթըթած, ուրախագէժ, բայց գունատ. դալկացած դէմքը, ցրտից կապտել էր. նա մօտեցաւ մօրը, հացը տուեց նրան՝ ասելով.

— Գնացի, դոնադ *) ունէին, որ ասացի, երեւի դոնադից ամաչեց, էնտուր տուեց, թէ չէ չէր տալ...

— Օ՛... անողորմ աշխարհ, անգութ մարդիկ. մէկը՝ ուտում է խմում, մէկը՝ սոված է քնում. մի տեղ՝ ուրախութիւն, խնդութիւն, ծիծաղ, մի տեղ՝ արտամութիւն, լաց, սուգ ու վիշտ... Ինչպէս աշխարհ է, մէկը՝ միւսիցաւերին, դարդին անտարբեր. մըմնջում էր Եղսօն հացը լմամբելով:

— Մայրիկ, հայրիկը ե՞րբ կգայ, հարցրեց Անուշը, ճակատին թափուած սև գանգուր մազերը ետ տալով:

— Է՛գուց առաւօտ. օճ հիմի ինչպէս է մըսում, հագի շորերը՝ բարակ են, ճղճղուած... էն գիժ սարով պտի անցնի, էն գուլումի սարովը, որտեղ մարդիկ են ցրտահար ըլլում...

*) հիւր:

—Հա, մայրիկ Դավալը պտի անցնի... ուր անցեալ տարի մեր հարկան խէչօն թեփախեղդ եղաւ... հա, փիս սար է...

—Է՛հ որդի, մի յիշիր էդ անունը, սիրտս սեանում է, աչքերս մթնում. նզովուի էդ սարը, գէշ սար է, մարդակեր սար է, փիս էլ ճամբա է... և նա գլուխը կախեց կրծքին ու լռեց. արտասուքի երկու կաթիլ ընկաւ աչքերից:

Լսւո էին...

III

Երեկոյ էր. տեղաշորը գցեցին չոր խսերի վրայ. պատառոտուն հնամաշ էր՝ վերմակը, դօշէկը և բարձը, բուրդը դուրս էր թափւում ճեղքերից. երեխաները հանուեցին, մտան անկողինը, ու սկսեցին փսփսուկով խօսել... Քիչ յետոյ Անուշն էլ պարկեց. մնաց միայն տան մայրը՝ օջաղի ղրաղին նստած, սև գալարուն մտքերով լի գլուխը կրծքին կախած... Նրա աչքերի առաջ՝ ներկայանում էին ահաւոր այլանդակ պատկերներ, իրանց սարսեցուցիչ տաօրինակ տեսքերով ու մռայլում նրա գէմքը:

Տունը մութն էր ու խաւար, ճրագ չկար. աթարի կրակն էր, որ պլպլում էր, ինչպէս հոգևարքի մէջ հիւանդ, ու լուսաւորում նրա գէմքը, խրճթի սև անկիւնները ու էլի իջնում, շուրջը թողնում խաւար, անթափանց ճնշող խաւար...

Դրսեւ քամին փչում էր՝ անհանգիստ մռնչալով. շները սկսեցին կախկանձել, կոնգոռնալ. իրանց չարագուշակ ձայներով վրդովեցին գիշերային անդորուութիւնը և աղմկեցին ամբողջ գիւղը. իսկ գիւղը քնած էր՝ ցրտից ճնշուած, կծկուած...

Այդ անախորժ կաղկանձոցը վատ էր թւում Եղսօին. նա զայրացաւ, յուզուեց.

—Ձեր տիրոջ գլուխը ուտէք, բէխեր անտէրներ, ո՞վ գիտի էլ ի՞նչ չարիք է գալու, ի՞նչ էք գուշակել... ձեր

ձէնը շուտ է լսում Աստուած, ձեր գանգատը, ձեր բողոքը, նա թէգ է կատարում... անտէր մնաք, սատկէք... մրմնջում էին Նղսօի շրթունքները. նա աջ ձեռքը նեցուկ տուեց գլխին, աչքերը յառեց կրակի պլպլացող բոցին, ու լուռ, մտքի ետեւից ընկաւ...

Գայլերը ոռնացին՝ սոված, քաղցածի ոռնոցով. վերսկսուեց ամեն գիշերուայ դժոխային համերգը...

Տանտիկինը հանուեց մտաւ անկողին. երեխաներին պինդ-պինդ ծածկեց, ինքը մնաց՝ արթուն լուռ. քունը փախաւ աչքերից... էլի այլանդակ, էլի ահաւոր, սարսափելի պատկերներ... երեսը ծածկեց վերմակով, գլուխը կոխեց խորը, որպէս զի չտեսնէ այդ. ի զո՛ւր. նա աչքերը խփեց քնել ձևացաւ. բայց քունը խուսափում էր աչքերից, սև մտքերի ժխորը կուտակւում էր գլխում, ահաւոր պատկերները բազմանում էին առաջը...

— Ձեր տիրոջ գլուխը ուտէք, մոմոաց նա ու լոնց, աչքերը փակեց, երեսը ծածկեց. ուզեց վանել իրան պաշարող՝ խճճուած երեակայութիւնները... ի զո՛ւր...

Կէս գիշեր էր, այնուամենայնիւ Նղսօն չքնեց, շատ տանջուեց, շուռ ու մուռ եկաւ անկողնում. տեղաշորը ասես փշերով ու ասեղներով լինէր ցանուած, որ կարծես ծակծկում էր նրա մարմինը ու շուռ ու մուռ տալի... Նա նմանւում էր այն թռչուններին, որոնք ծուար արած անքուն հսկում են ձագուկներին, պաշտպանելու որևէ վտանգից, գիշերային գիշատիչ թռչուններից. դրա երեխաներին էլ վտանգ սպառնացողը՝ սո՞վը էր, իր մահուսարսափով զինուած, որ սողոսկել էր ներս, ուզում էր կոտորած անել...

Երեխաները քնել էին մշմշալով, ամեն ինչ մոռացած. քունն էր երջանկութիւն այս տան համար, բայց նա էլ չէր մօտենում՝ տառապողի տանջուած ցաւոտ աչքերին...

Խրճթում խաւար է ու լռութիւն. միայն ճպուռն էր, որ իր ձայնով խռովում էր խաղաղ լռութիւնը:

Երեխաներից մէկը զարթնեց՝ թնգ-թնգաց, լաց եղաւ, կամաց-կամաց ձայնը ուժեղացրեց...

Մայրը լուռ է, չի խօսում:

— Հնց, սոված եմ... մըմնջաց երեխան ցաւոտ շեշտով:

Մայրը լսում է, չի խօսում. լաց կլինի ու կլռի, մտածեց նա:

Բայց և այնպէս երեխան հետզհետէ բարձրացնում էր ձայնը ու բացականչում՝ «սոված եմ»...

— Ի՞նչ է, Ներսո ջան, վերջապէս հարցրեց մայրը:

— Սոված եմ...

Չորս տարեկան երեխայ էր Ներսոն, հիւանդոտ վտիտ մարմնով. այդ հասակին դեռ ոտքի չէր կանգնում, ամբողջ օրով մի տեղ նստացնում են, և նա տեղից չէ շարժւում: Չափազանց շատակեր էր ու լալկան. երբ սկսում էր լալ, էլ ձայնը չէր կտրում ու շարունակ միակերպ լալիս էր անընդհատ:

— Քնիր, Ներսո ջան, հաց չոչնենք, քնիր...

— Չէ, սոված եմ, հաց... հաց տուր...

— Քնիր, բալաս, քնիր. հաց չկայ... սակայն այդ խօսքերը Ներսոին չէին կարող հանգստացնել. նա շարունակում էր աղիողորմ՝ լալ ու հաց ուզել:

Մայրը տեսաւ որ զուր է հանգստացնելու ջանքեր գործ դնելը, երեխին գրկեց, սղմեց կրծքին, գուրգուրեց, փաղաքեց. ի գո՛ւր... հետևապէս Ներսոն չէ դադարում լալուց. տիրող խաւարը՝ աւելի ու աւելի սրտաճաք անում երեխային. նա չէ կարողանում տեսնել մօր երեսը, իրան շրջապատող առարկաները. նրան ամեն առարկայ թւում է՝ թէ կենդանի է, կերպարանք ունի, իրան վախեցնում է. և աւելի է բորբոքւում, լալիս...

Մայրը ճարահատուած չգիտէ ինչ անել. մտածեց և վճռեց գնալ հարևանների մէկից հաց խնդրել, բերել մանկան ձայնը կտրել. բայց ի՞նչպէս հարևաններին անհանգիստ անել, քնածներին արթնացնել, բան խնդրել. դա շատ դժուար է, կփնթփնթան... մտածում էր նա, և վրձ-

ռեց գնալ, հագնուեց ու վճռական քայլերով մօտեցաւ դրան, բաց արաւ՝ նայեց շուրջը, նկատեց, որ մի կենդանի, զոյգ բոցավառ աչքերով, դէպի իրան է գալիս... Թուլացաւ, մազերը դիզացան, սիրտը բաբախեց, աչքերը ասես մթնեց, ծնկները ծալուեցին... ուժասպառ շեմքից մի քայլ ետ կանգնեց ու դուռը ծածկեց, էլ չկարողացաւ փակը ամրացնել. գետնին նստեց ու մէջքով սղմել սկսեց դուռը որքան ոյժ ունէր, պի՛նդ, պի՛նդ...

Երեխան դեռ լալիս է բարձրաձայն, նրա ձայնից միւսներն էլ, թառժաժ էին եղել, հանգստացնում էին նէրսօին...

Եղսօն ուշի գալով, շփոթութիւնից զգաստացաւ, վեր կացաւ, դրան փակը ամրացրեց ու էլի սղմեց մէջքով:

— Օ՛յ, անտէր մնաս, գէլ, մոմուում է նա, — ինչքան վախեցայ, ճռներս թուլացան, սիրտս կտրուեց... Ծ. հալբաթ դա էլ սոված է... դրան էլ քաղծածութիւնն է ստիպել գիւղամէջ մտնել... մի բան ճանկելու՝ սոված փորի համար... վո՛յ անտէր մնաս... խեղճ կենդանի, սոված է... քաղցածը ամեն բան կ'անէ... կպատառոտէր, եթէ չտեսնէի, անշուշտ կպատառոտէր... սովածը չի ուզի մեռնել, ձեռքը մի բան ընկաւ կըբըբըի, իրան կերակուր կը շինի... ա՛յ, հէնց ես, ինձ էլ քաղցն է ստիպել էս կէս գիշերին դուրս գալ՝ հաց խնդրել... իսկ դրանք հումից խընդրեն... ուրեմն պէտք է պատահածին պատառոտեն... խեղճ քաղցածներ... քաղցը ստիպում է՝ ամեն միջոցի դիմել, գողութիւն, աւազակութիւն, մարդասպանութիւն անել... ԾՖ, սո՛վ, սո՛վ. անիծուես դու, սով: Նա հեռացաւ դռնից: — Յաւ տեսնողը ցաւը չհասկանայ... այսպէս երկար խօսում էր Եղսօն, երբ Անուշը խնդրեց պարկել. նա նորից անկողին մտաւ, անիծելով այս չար գիշերը:

Երեխան երկար լալուց ձայնը խզուել էր. հիմա հանդարտ նււում էր:

Եղսօն յիշեց ամուսնուն, երեակայեց նրա վիճակը,

դրութիւնը. և մտայոյզ, վախեցած սրտով ծածկեց երեսը ու տազ արաւ:

Դրսւը խենթ քամիները շարունակում էին հչալ, մոնչալ. գայլերը՝ ոռնալ. շները՝ կաղկանձել... համերգը կատարեալ էր:

Խրճիթում՝ թանձր խաւարը սկսել էր բացուել, առարկաները գծագրւում էին անորոշ կերպով. երդիկից ներս էր ընկնում մի աննշմարելի լուսաւորութիւն...

Հուսադէմ էր:

IV

Առաւօտեան Անուշը զարթեց, հագնուեց, օջաղը վառեց, հարեանների դռներն ընկաւ՝ հաց ճարեց, տուեց երեխաներին... Մայրը վախից հիւանդ էր. դողում, լքլքում էր, մարմինը թուլացել անգօրացել էր... Անուշը մօտեցաւ մօրը՝ հարցնելով.

— Հաց բերե՞մ քեզ համար, մայրիկ:

— Ձէ, որդի ջան, ինձ հացը էլ կուլ չի գնալ... ջանս դողը բռնել է... սրտաճաք եղայ գիշերը, թէ որ ապրեմ՝ մեծ բաղտաւորութիւն կըլինի... ան բալէք, կոտու բալէք... և նա հեկեկաց.— Անուշ ջան, դարձաւ աղջկան,— գնա առուիցը ջուր բեր, խմորի համար պատրաստութիւն տեսնենք, թաղարէք անենք, որ հիմա հայրդ կըգայ, ալիւր կառնի... դէ գնա բալաս, դէ շուտ, գնա...

Անուշը լալիս էր մօր խօսքերի վրայ. «թէ որ ապրեմ», ի՞նչ է նշանակում այդ. նա թողեց մօրը հեռացաւ, կուժը ուսեց և դուրս ելաւ տնից...

Եղածն տնքում էր վախի ցաւից. յիշեց գիշերուան արկածը, գայլի գոյգ աչքերը, բոցավառ կրակոտ աչքերը, որոնց մէջ ասես չարիքն էր քրքջում և քաղցածութիւնը արտայայտում. յիշեց և իրեն պատած ահ ու դողը, վախ ու սարսափը... ամբողջ մարմնով սարսռաց, դողաց, սիրտը թպլտաց... նորից ուշի գալով մտաբերեց ամուսնուն, մտածեց նրա վտանգաւոր ճանապարհի մասին:

— Տեսնես կովը ծախեց, թէ չէ, շնչում էր նա,—
գալիս է, թէ ոչ. ախ էն մարդակեր սարը, էն գէշ ճա-
նապարհը, էն բուք բորանի հնոցը, ետրաբ գալիս է, և
մի խորունկ հառաչեց...

Ներս մտաւ Անուշը, կուժը ուսին, կապտուած դէմ-
քով. ջուրը դատարկեց, աաքացաւ. նայեց մօր տխուր
մոայլ դէմքին, սիրտը լցուեց... կուժը վերցրեց ու նորից
դուրս ելաւ...

Հարեաններին՝ ոչ ոք չէր մտնում խեղճերի բնակա-
րանը, խօսում հետները, յոյս տալի... չէին օգնում գոր-
ծով, գոնէ՝ յոյս տալին, լոկ խօսքով մխիթարէին, որոն-
ցով փոքր ինչ թեթևանում է վիշտը... ոչ գործով էին
օգնում, ոչ խօսքով. անգութներ էին ու անխիղճներ...

Յաւի աշխարհում մարդկանց անտարբերութիւնը ա-
ռաւել ցաւ է, սպանիչ ցաւ:

Անուշը ջուրը կրեց, թթիւմոր պատրաստեց. մինչդեռ
մայրը ճգնում է մնալ անկողնում՝ շշմածի նման...

Ճաշը անցաւ. Արութը դեռ չկար ու չկար. ընտանի-
քի աչքը ճանապարհի էր, սպասում էին...

Քամին փչում էր կատաղի, մռնչալով լիզում ձիւնի
երեսը, ձեան փռչին ցրիւ տալի, լցնում փողոցները, մարդ-
կանց աչք ու բերան, մարդու մոլորեցնում...

Անուշը անհանգիստ դուրս ու ներս է անում, նայում
այն ճանապարհին, որտեղից պիտի գար հայրը. նայում
էր երկաթի, երկաթ...

Բայց հայրը չէր երևում, չկար, ուշացաւ. շատ ու-
շացաւ խոստացած ժամանակից. արդէն երեկոյ էր. շրդ-
թայագերծ հողմերը ոռնում էին կատաղի...

V

Անցաւ մի գիշեր ևս. մի սպանիչ գիշեր, իր այլան-
դակ ամբողջութիւնով. կրկնուեցին ամեն գիշերուայ ե-
րևոյթները՝ գայլերը ոռնացին, շները կաղկանձեցին, քա-
միները փչեցին. երեսաները լաց եղան՝ հաց ուզեցին.

խրճթում թանձր խաւարը թուխս նստեց... Եղանակն էլ իր ազդեցութիւնը ցոյց տուեց՝ բոլորին կծկեց, պարզկայ արաւ, անտանելի, պապանձեցնող, մեռցնող պարզկայ... Եղածն դարձեալ անկողնում է. վախի ցաւը ծանրացել է...

—Անուշ... լսուեց զրսից մի նուազ, բարակ ձայն:

Անուշը շտապով դուրս ելաւ: Եղօենց Ասօի աղջիկը՝ Գիւլօն էր, իր ընկերուհին, ցաւով էլ ընկերուհի, դարդով էլ, վշտով էլ: Անուշը մօտեցաւ նրան, բարեկեց և հարցրեց.

—Ի՞նչ ես ասում, Գիւլօ ջան.

—Հայրս չեկաւ. քո հայրը չի՞ եկել...

—Ձէ, մայրիկս էլ հիւանդացել է, երկու օր է անկողնի մէջ է, հայրս չեկաւ. մտքովս շատ վատ բաներ է անցնում...

—Իմ մտքովս աւելի վատ. անի, գիտե՞ս էն սարը, շատ գէշ սար է, Անուշ, շատ...

—Մեր երեխէքն էլ սոված են, էսօր ոչինչ չեն կերել, սաւնը մի կտոր հաց չունենք. շների, մկների ու հաւերի բաժինն էլ Աստուած շատ է համարել. քանի օր է ուրիշից ենք փոխ առնում, էն էլ չեն տալիս... անի խեղճ ծնողներ, ինչքան հոգս ունեն:

—Ա՛խ, Անուշ ջան, ես հենց գիտեմ էս աւեր գիւղում մենակ մենք ենք դժբախտ ու անճար. քո ասելով ձեր օրը մերից վատ է, ճվվէ...

—Գիւլօ ջան, ցուրտ է՝ գնանք տուն տաքացի...

—Ձէ, Անուշ ջան, գնամ, մայրս խաբարի է սպասում, անհանգիստ է, վատ երազ է տեսել. դէ մնաս բարի.

—Գնաս բարի...

Եւ երկու ընկերուհիները բաժանուեցին իրարից, վշտոտ սրտով ամենքը մի կողմ...

Տան շէմքում Անուշը տեսաւ մի ծիտ ընկած էր գետին, վերցրեց, սառած էր՝ փէտացած մարմնով: Չմբան ողորմելի զոհերից մէկն է, մտածեց նա ու ներս մտաւ:

—Մայրիկ, էս ծիտը ցրտից սառել է, տես...

— Խեղճ կենդանի, սոված է եղել. բնից դուրս է եկել մի բան ճարելու, բայց ցուրտը անողորմաբար է վարուել... Ձմեռը իր ցրտով, դաժանութիւնով, կենդանի արարածներին չի ջոկում իրարից, ամենքի հետ էլ մի տեսակ է վարուում... Ծ. որդի, սա չար նշան է... սիրտս սկսեց թոթռալ, աչքերս սևանում է. օ՜ֆ... նա գլուխը քաշ գցեց ու մնաց լուռ:

Անուշը նայում էր մօրը շմածի պէս:

— Հայրիկդ չեկաւ. ջուրը, թթխմորը պատրաստեցինք, բայց...

— Ի՞նչ, մայրիկ...

— Է՛հ, որդի, հազար ու մի բան է անցնում մտքովս, ձի գիտի... չեկաւ...

Գիւղում ճրագները վառուեցին, մթութիւնը իջաւ երկրի վրայ. վերևում աստղերը թարթեցին նսեմ փայլով, անտարբեր ցաւերին ու վշտերին:

Գիւղը լուռ էր:

Արութի տանն էլ անհանգիստ լռութիւն կար, խաւարի մէջ մայր ու աղջիկ էին արթուն. երբեմն փսփսում էին, երբեմն լուռ՝ մտքերի ետեից ընկնում, խորունկ խորհում...

Շունը հաջաց... ոտնաձայներ լսուեցին:

— Մայրիկ, հայրիկն է...

— Սո՛ւս, զոդում եմ, երկիւղ է պատել ինձ, ինչ որ վատ բան եմ գգում...

Անուշը լռեց, շունը նոյնպէս:

Անցաւ կէս ժամ, մայր ու աղջիկ լուռ են. նորից շունը հաջաց, վրայ պրծաւ. ոտնաձայներ, խորհրդաւոր խօսակցութիւն է լսւում...

— Հայրիկն է.

— Սո՛ւս...

Թրը՛խկ, Թրը՛խկ... դուռը թակեցին:

.

Թըր՛խ, Թըր՛խ... այս անգամ աւելի ուժգին:

— Ո՞վ էք, ձայնեց Անուշը խաւարի միջից:

— Դուռը բաց, որդի:

— Մայրիկ, հայրիկն է...

— Ձէ, նրա ձայնը չի...

— Ո՞վ ես... հարցրեց անուշը ջղայնօրէն:

— Վարդանենց Մխօն:

— Հօրդ ընկերն է, բաց, հետը գնացողներից մէկը, ասաց Եղսօն՝ փոքր ինչ զուարթացած և անկողնի մէջ նստեց:

Դուռը ճոնչալով բացուեց. ներս մտան երեք մարդ՝ զինուորի մի հին վերարկուի մէջ փափաթած երկար ծանր բան երկուսով բռնած, վեր դրին գետին, և ծանր վշտալից «ախ» արձակեցին: Մէկի ձեռքինն էլ ճրագ էր:

— Ախպէր Մխօ, Արութը ուր է, խզուած ձայնով խօսեց Եղսօն:

— Ախ քուրիկ... զուլում պատահեց...

— Ի՞նչ, ցնցուեց Եղսօն:

— Օ՛, քուրիկ... ահա նա, Մխօն ձեռքը պարզեց դէպի գետին դրած փաթաթը ու դառն դառն հեկեկաց:

— Վոյ, տունս քանդուել է, ծղրտաց Եղսօն անկողնից դուրս սողալով...

Վայ, հայրիկ ջան... ճչաց Անուշն ու ընկաւ հօր դիակի վրայ հեկեկոցից խեղդուելով:

Շփոթութիւն տիրեց. վայ, վոյը ընկաւ...

Քուրիկ, քուրիկ... բղաւում է Մխօն:

Եղսօն լուռ է, անդգայ, ուշադնաց է եղել. ջուր ցանեցին երեսին, գլխին. ականջները քաշեցին... հազիւ հազ ուշի եկաւ՝ թուլացած կիսամեռ:

Անուշը շարունակում էր ճչալ:

— Հայրիկ ջան, հայրիկ ջան...

Իսկ մայրը աչքերը չռած հեռում է, արցունքը սառել չորացել են աչքերում. շմած խելագարի է նման...

Այդ ձայներից երեխաները՝ զարթել, վիվլոցն էին ընկել...

Այդ իրիկուն գիւղը երկու գիակ մտաւ, երկու անձարի, երկու աղքատ տառապեալի զիակ, որոնց ընտանիքների աչքերը՝ յուսով յառած էր ճանապարհին. անցրին օրեր, գիշերներ, անհանգստութեան մէջ, և անսպասածները, որ գնացել էին՝ ոտքով, ողջ առողջ. այժմ... այժմ վերադարձել են՝ սայլով անկենդան, մեռած, աշխարհի ցաւերից ազատուած:

Միսօն և միւս երկու ընկերը՝ մնացին մինչև լուսաբաց:

Առաւօտեան հարևանները իմացան սոսկալի գոյժը, որ առանց արտասուքի չէին լսում:

Արուծի տունը՝ կամաց-կամաց հարևաններով լցուեց. սկսեցին հարց ու փորձ անել դէպքի մասին. Միսօն, որ երեքի մէջ աչքի էր ընկնում հասկացողութեամբ, պատմել սկսեց.

— Այստեղից գնալուս, ճանապարհին շատ ցուրտ էր, մարդու մարմինը փաքաղւում էր սարսռում. հասանք շատ րը, Արուծը իր կովը ծախեց 17 մանէթի. Ասօն իր եղը՝ 23-ի: Յետոյ մտանք խանութները, չոթ կտոր առանք՝ մեզ երեքիս համար, նա ցոյց տուեց ընկերներին, — իսկ խեղճ Արուծն ու Ասօն՝ ոչինչ չառան. և որովհետեւ մութը ընկել էր, մինչև մեր առուտուր վերջացնելը, գնացինք՝ մի բարի մարդի գոմում գիշերեցինք. թշնամիս չլլի ընտեղ, ինչքան կեղտոտ էր, տաւարի աղբի հոտը խեղդում էր, Աստուած հեռու տանի... դէ թող էն էլ քնել համարուէր... Առաւօտը վեր կացանք, ճամբա ընկանք. շատ վառ աւինդ էր, թիփի, բորան-բորեաղ էր բարձրացել. ձնի փոշին լցւում էր ճանապարհները, մարդու երեսով տալի, բերան աչքեր լցւում, մարդ մոլորեցնում... Ընկերներիս ասի՝ — ետ դառնանք, թիփախեղդ կըլենք... Արուծն ու Ասօն չը լսեցին:

Մեր երեխեքը սոված, աչքերը ճամբի, մեզ են սպասում, ասացին ու երկուսով շարունակեցին քայլել արագ-արագ, գնալով դէպի բուքի սառը ծոցը, բորանի պաղ հնոցի արգանդը... դբա մահը... Մենք երեքով ետ դառանք շհարը, մի օր անցրինք, էլի գիշերեցիք. նոր միւս առաւօտ ճամբա ընկանք, օրը քիչ կակող էր. հասանք սարի գլուխը, որ պիտի անցնէինք էս կողմը... տեսնենք մէկը ընկած է երեսի վրայ, փռուած... մօտեցանք... Ասօն էր՝ սառած-փետացած, անշունչ. մենք զարգանդեցինք, մազերնիս դիզացան... էլ ի՞նչ կարող էինք անել... նայեցինք՝ էս ու էն կողմ՝ սայլ, ֆուգօն չկայ... ռոտեղից պիտի լինէր, ո՞վ դուրս կըգար էդպէս օրը... յանկարծ աչքովս ընկաւ մի փափախ, ճամբի զրաղին... երեքով թեքւեցինք էն կողմը... փափախը վեր կալանք, գլուխ երևաց, ամբողջ մարմինը ձնի հաստ շերտով էր ծածկուած, միայն գլուխն էր բաց մնացել... ձնի դամբարանը չէր ուղեցել տառապող գլուխ թագցնել տակը... շարժեցինք, քաշեցինք Ասօի մօտ, դա էլ—Արութն էր, ջրատար խեղճ Արութը... նրա պէս՝ սառած ու չորացած... Մենք նմանում էինք կռուի դաշտում դիակ հաւաքողների. այդ թշնամին աւելի անողորմ էր եղել, առանց վիրաւորելու մարդկանց հուպ էր տուել, բերան աչքեր ձնով լցրել, սառցրել... վերևում աղաւանները կռում էին, խելագար պտուտներ անում, սոված էին. սառած թևները բաց, ձնի երեսին փռուածներ էլ կային... Ես գնացի շհարը մի սայլ լծել տուի ու բերի... շինեցինք¹⁾ շինեցինք դագաղներ, սայլը եղաւ դագաղատար... և մենք՝ երեքով լուռ ու մունջ յուղարկաւորներ... ակները գլորում էին ձիւնը ակօսելով, ցաւոտ ճռնչալով... նրանք ասես ողբում էին իրանց մէջքի բռնի համար... աղաւանները վերևում կռում էին՝ սոված, ցրտից ճնշուած... Մութ ընկաւ. հասանք այստեղ... դէ՛ ինչ անենք. մենք բոլորս էլ ցաւի որդիք ենք, ծնուել

1) Վերարկու:

Ֆենք ապրելու ու մեռնելու համար, բայց վաճ էն ապրելուն, շունը մեզնից լաւ է ապրում. մեռնում ենք շնից բեթար. ցաւը մեզ է բաժին, մենք ցաւին... ողորմի իրանց՝ տանջուեցին, ցաւ տեսան և մեռան... էհ, մենք էլ մի օր՝ շանսատակ կըլենք... վերջացրեց Մխօն, աչքերի արտասուքը սրբելով:

Ունկնդիրները, որ լացակամած լսողութիւնները լաւած՝ լսում էին, «ախ, ախ» արին, ափսոսացին, ոմանք էլ լաց եղան...

Այրիացած Եղսօն՝ աչքերը չռած, հեռւմ է. մի բառ անգամ չէ կարողանում արտասանել. նայում է երեխաներին, աչքերը սղմում. բայց կաթիլ չէ ընկնում...

Անուշը մղկտում է, լալիս. բոլորն էլ հետը միակերպ մըմնջում են...

Այդ օրը՝ երկու թիփախեղդ եղածներին՝ Արուծին ու Ասօին թողեցին:

VI

Միւս օրը, Արուծի տունը դարձեալ լիքն էր հարեւաններով. դարձեալ տիրում էր նոյն սուք շիւանը՝ աւելի աղէտալի, աւելի ողբալի...

Քահանան եկաւ տիրացուն հետը... մի քանի մարդ մօտեցան տէրտէրին.

— Տէրտէր ջան, աջիդ դուրբան, փող չկայ, էս մէկին առանց «թաղմահարկի» թաղի, եղած 17 մանէթը էն ողորմած Արուծի վրայ ծախսուեց, կապէկ չմնաց...

Տէրտէրը ձեռքը շարժեց, խռպոտ ձայնով ասաց.

— Էդպէս բան չկայ, դուք բարեկամներդ կարող էք տալ, ես ինչ մեղաւոր եմ, որ չկայ. մեռելը էլ հոն գիտ կըմնայ զերեզմանի տակ, որ առանց թաղման վարձի թաղուի:

— Այդ էլ դրուստ է, տէրտէր ջան, բայց որ չկայ...

— Ծարեցէք... ասաց տէրտէրը վճռական:

Անուշը լալիս էր. մազերը փետտելով, կուսական գլուխը ծեծելով՝ ճչում.

—Անտէր, որբ մնացինք...

Միօն մի անկիւնում նստած մոմուում է.

—Ա՛յ, գետինը մտնի էդպէս տէրտէրը, գետինը մըտնեն էսպէս հարևանները, որ միայն մեռած ժամանակ են մարդու ցաւում. ուր էիք դուք, երբ խեղճ մարդը սոված դռներն ընկած հաց էր մուրում... հիմի հաւաքուել էք՝ թէ ի՞նչ. ցոյց տալու, որ մենք ցաւում ենք էս խեղճ ընտանիքի... առերես, կեղծաւոր մարդիկ, արտաքուստ ցոյց էք տալի՝ ցաւակիցներ ենք, իսկ ներքուստ՝ ո՞վ գիտի... Է՛հ մենակ սրանք չեն էսպէս, աշխարհս հէնց այդպէս է, մարդու կենդանի ժամանակ՝ բանի տեղ չեն դնի, դրութեան մէջ չեն մտնի... իսկ որ մեռաւ՝ կցաւեն, կըվշկշան, կափսոսեն, «խեղճ մարդ» կասեն ու կմոռանան իրանց անտարբերութիւնը՝ նրա կենդանի ժամանակ... մարդիկ տարօրինակ բաներ են... և նա դուրս գնաց տէրտէրի երեսին մի արհամարհական հայեացք ձգելով...

Անուշը ճչում է.

—Մայրիկ ջան, մայրիկ...

Ամբոխը հեկեկում է. տէրտէրը կարդում, տիրացուն ձայնակցում...

Դազաղը դուրս բերին, տարան եկեղեցի, այնտեղից պիտի տանէին դէպի յաւիտենական հանգիստը, ուր էլ երբէք դառնութիւններ, վշտեր ու կսկիծներ չէ տեսնելու. չէ տեսնելու անողորմ, անխիղճ մարդկանց արարքները, ձմրան ու գարնան՝ լաւ ու վատ օրերը... այնտեղ հանգիստ է, այնտեղ խաղաղ է... այստեղ է, որ անդորութիւն չկայ, այստեղ է՝ որ խեղճ ճնշուածներ, խեղճ սովածներ...

Այդ էլ Եղսօի դազաղն էր, որ իր մէջ պարտկել էր տարիների տառապանքի տակ ճնշուած մարմինը:

Որբութեան գիրկը նետուեցին չորս թուլակազմ մարմիններ...

Ձմեռը շարունակում էր իր սաստկութիւնը:

Ս. ՐՈՅՖՈՐ

*
* *

Երանի՛ ես ինչպէս կայծակ
Սուրամ, թռչեմ դէպի վեր,
Անվախ արժով ու համարձակ
Գրկեմ երկինք եւ աստիւր:

Ես ջերմութիւն կրներենչեմ
Սառն, անկենդան աստիւրին
Եւ զարթնելու երգ կը հնչեմ
Դիակնացած մեր երկրին...

ՅԱՐՈՒԹԻՒՆ ՊԵՏՐՈՍԵԱՆ



ՊՕԼԵԱՐՆԻ

I

Դէպի առաջ

Օգի անյատակ ալիքների վրայ տարուբերուելով լողում էր կապտագոյն երկրագունդը անսահմանութեան մէջ:

Լողում էր դէպի հեռաւոր լուսաճաճանչ աստղը, տատանուելով ներքին ոյժից:

Արևի ջերմ համբոյրները չին կարողանում հալեցնել տեղեկան սառույցները, չեն կարողանում վանել դառնաշունչ ձմեռը ձիւնաբեր փոթորիկներով, խայթիչ ցրտերով, և օգի թափանցիկ ալիքների վրայով լողում էր կապտագոյն երկրագունդը դէպի անկայուն փայլող աստղը:

Նա այլափոխում էր գոյները և անչափ հրապուրիչ, անչափ գեղեցիկ էր:

Նա խոստանում էր և՛ նոր լոյս, և՛ ջերմ ճառագայթներ:

Իսկ մշտական սառույցները, ձիւնաբեր ձմեռը և սարսուռ ազդող ցուրտը, առաջուայ նման ինչպէս արատ մնում էին երկրի վրայ, որպէս հիւանդութիւն, որպէս մշտնջենական պատիժ:

Իզուր էր տալի արեւ իր ամբողջ սէրը, իր ամբողջ կիրքը ինքնահաճ երկրագնդին:

Նա լողում էր միշտ առաջ անսահմանութեան մէջ, ընդունելով արևի տաք համբոյրներն որպէս հզօր իշխօղը՝ տուրքը իր հպատակներից:

Միշտ անբաւարար, միշտ որոնող լողում էր երկրագունդը:

Մարդիկ կորչում էին ցրտից, բայց կորչելով հաւատում էին, որ երկրագունդը կ'հասնի նոր, ջերմ արևին:

Մարդիկ դողում էին ցրտից և կորչում, երկրագունդը լողում էր...

Անցնում են դարեր, փոխւում են մարդիկ:

Բայց հաւատը անսահման է, ինչպէս կեանքը, հզօր՝ ինչպէս կեանքը...

Հեռաւոր աստղը փայլում էր երփներանգ, հրապուրում և քաղցր ժպտում խորհրդաւոր, դիւրաթեք ժպիտով:

Հեռաւոր ամպից, դէպի ուր տարաւ ինձ յանդուգն միտքը, նայում էի ես կապտագոյն երկրագնդի սաւառնելուն դէպի հեռաւոր աստղը, ըստդ, մշտատեւ ամառ և գեղեցկութիւն ձեռք բերելու համար...

Ինձ հետ միասին մեղմիկ ամպի վրայ պարկած էր սրտնհալած սատանան և բարձր յօրանջելով ասում.

—Ձանձրալի է, յոգնել եմ ծիծաղելուց: Այս գնդաձև յիմարը չի էլ տեսնում, որ բոլոր գեղեցիկ աստղերն էլ լողում են անսահմանութեան մէջ...

Ես ցնցուեցի և լուռ տխրութեամբ նայում էի գեղեցիկ և հպարտ լողացող երկրագնդին...

Բայց մի վայրկեանից յետոյ իմ մէջ բռնկեց մի պայծառ, այրող միտք.

—Նա պէտք է լողայ բոլոր աստղերից արագ, որովհետեւ հաւատը զօրաւոր է նորանում:

II

Կեանքի հեփաթը

Իմ պարտիզում վարդ է ծաղկում գեղեցիկ...

Դաւար խոտի և խայտարդէտ ծաղիկների հովտի մէջ—վարդ ցանկալի, քնքոյշ, սիրելի:

Վարդ գեղեցիկ...

Գունատ, ճկուն ոստի վրայ սլաակ ծաղկում, երկնագոյն, հեռուից միայն երկնագոյն:

Մօտից բոլոր երփները՝ մուգ կապոյտից մինչև գունատ երկնագոյն. իսկ թերթիկների ամբողջ առաւել գունատ, քնքոյշ, թափանցիկ...

Նրանք սպիտակ են ինչպէս վաղորդեան ձիւն, ինչպէս շուշանի հոտաւէտ պսակը:

Վարդին մէջ քաղցրահամբոյր երփների ձայնաշար, վարդիս մէջն է գեղեցկութեան ամբողջ հրապոյրը, նիրհող, մեղմ ու լռիկ.

Անըմբռնելի բուրմունքով գրաւում է վարդը դէպ իրան և հրապուրում, և յուզում, և գրգռում երկչոտ ժպտով:

Վաղ գարնանն է ծաղկում միայն իմ վարդը չքնաղ և թանամում առաջին տաք օրը:

Մտախոհ երերալով, նա ժպտում է միայն տխուր ժպտով, ծիծաղում միայն աչքերով, իսկ խօսում միայն հառաչանքով, շշնջում միայն երևակայութեամբ:

Նորան չեն սիրում այգիներին բազմերանգ ծաղիկները և ասում են խոտերը:

Ի՞նչպիսի դայրոյթով մօտենում են նորան օձի նման, որպիսի հրճուանքով կ'ցանկային խեղդել նորան:

Միմիայն ես եմ սիրում իմ վարդը լւիկ, սիրում եմ համր, վշտագին սիրով:

Ներշնչելով յուզող անուշահոտութիւնը ամբողջ կրճքով, յոգնածութեան և անզօրութեան չափ, հրճւում եմ նորանով, համբուրում միայն գիտակցութեամբ...

Սակայն ինչն եմ սիրում ես, խորհրդաւոր վարդի մէջ— չ'գիտեմ...

Գուցէ նորա մէջ են միաւորւում երկինքն ու երկիրը վայրկենական համբոյրով. գուցէ գնահատելի է նա ինձ համար ինչպէս հանելուկ...

Ինչի համար եմ սիրում վարդը, չը գիտեմ...

Ամենքը, ում թոյլ եմ տալիս զբօսնելու այգուս մէջ, անցնում են վարդիս մօտով:

Հրճուելով բազմերանգ ծաղիկներով, ներշնչելով պարտիզի ուժեղ բուրմունքը, ոչ ոք չէ թեքւում դէպի նա, ոչ ոք չէ զգում բուրմունքը վարդիս:

Երբ անխօս, վախկոտ ժպիտով բնքոյշ վարդիս մօտեցնում եմ մարդկանց, ամենքը ուսերը վեր են քաշում և ականջիս հեղնօրէն շշնջում:

— Այո, խաբէութեան վարդ է դա... Իզուր չէ ծածկուած անթիւ գոյներով և նրա անըմբռնելի բուրմունքը յուզում մարդկանց... շտապիր, կոխ տուր նորան, խաբէութեան վարդ է դա...

Խաբէութիւնը բուն է դրել դորա մէջ և դա քեզ կ'թունաւորէ...

Ոչ, իմ վարդը սքանչելի է, նորա մէջ է երջանկութեան ցնորքը, նորա մէջ է զմայլութեան ուրուականը. ես կ'հանքի հեքիաթ եմ կոչում նորան:

Իմ պարտիզում ծաղկում է վարդը աղօտ, խաբուսիկ, ինչպէս երկինք, փոփոխական որպէս ծով, թունաւոր, բայց սքանչելի...

Ա՛խ, ռոքան սիրում եմ իմ վարդը:

Թարգմ. ՕՐ. Ն. ԱՂԱՆԵԱՆ

ՂՈՇԱ-ՎԱՆՔ

«Ինչպէս որ էր այնպէս
էլ պէտք է կանգնիլ»:

Սուրբ Մարկոսի—Վենետիկի փառքի տաճարի աշտարակի կործանուելուց յետոյ, իտալական ժողովրդի ներկայացուցիչները ազգային ժողովում միաբերան վճռեցին, թէ կործանուած աշտարակը «Ինչպէս որ էր, այնպէս էլ պէտք է կանգնել»: Եւ կանգնեցին, առանց խնայելու ժողովրդի աղքատիկ գրպանից կորզուած հարկերը: Եւ դարձեալ մի տասնեակ դար, զուցէ և աւելի ս. Մարկոսի աշտարակը պիտի հրապուրէ աշխարհին, պիտ ձգէ իրեն այցի, գնալ երկրպագելու ճարտարապետութեան կոթողը, գիտութեան և գեղարուեստի հրաշալիքը, մեծագործութեան պատկերը:

Պարզ է, թէ ինչի չը խնայեց Իտալիայի նման աղքատ ժողովրդի ստակները նրա ազգային ժողովը: Իտալացին, պահպանելով իւր դարևոր արհեստագէտների արտադրութիւնները, ուզում է դրանցով կրթել և խրախուսել իւր մանուկ դասակարգը, ձգտում է կենդանի օրինակներով ներգործել մատաղ սրտերի վրայ, որպէս զի սրանք զարգանան մոքով, ճաշակով, ճարտարագործութեամբ և համբերատարութեամբ, որպէս զի իւր դարևոր օրինակելի դիրքը կարողանայ պահպանել գիտական և գեղարուեստական աշխարհում: Որպէս զի իւր զաւակները կրթուին ու զարգանան կուլտուրական բարձր հակումներով և կուլ չը գնան, կամ չստրկանան: Որպէս զի Վենետիկի փողոցները թափառող աշակերտը վեհ հակումներով անուի և չստորանայ:

Եւրոպական քաղաքները, թանգարաններ և պալատներ այցելողը չի կարող նկատած չը լինել, թէ ամեն մի երկրում որքան ջանք ու խնամք են գործ դրել, որպէս զի իրենց կուլտուրական զարգացման պատմութիւնը կարողանան կենդանի ապացոյցներով դրօշմել իրենց մանուկների սրտի տախտակներին և ուղեղի ծալքերի մէջ, այս կենդանի օրինակներով են անցեալ փորձերից

օգտուել և աւելի հսկայական քայլերով առաջ գնացել դարէ դար և տարէցտարի:

Փարիզում «Կլունի» միւլգէյում այցելուին ցոյց են տալիս Հոռմի կեսարների շրջանում Քրիստոսից առաջ շինուած որմերի հետքերը, որի քարը, կիրը, աղիւսը հետաքրքրութեան նիւթ են դարձել: Այդպէս շարունակաբար այցելուն տեսնում է այն ժամանակուայ կուլտուրային յաջորդող ամեն մի շէնք, կոփուածք, արձաններ միջնադարեան-քրիստոնէական և ուրիշ կերտուածքներ: Ձեռագործների, կարասիների, խեցեղէնի և յաղճապակի անօթների դարէդար զարգացման պատմութիւն մի ժամուայ շրջագայութեամբ կարող էք տեսնել և այնպիսի տպաւորութեամբ դուրս գալ, որ այդ գաղափարը ստանալու համար կարեւոր էր ունենալ մի հմուտ ուսուցչի տարեկան դասը և քառասուն հատորի ընթերցում:

Պապերը, հին Հոռմի աւերակները ամբողջ հազար տարի պեղելով, նրանց տակը ծածկուած գանձը հրապարակ հանելով, Վատիկանի, Նէպոլիի, Փիօրէնցիայի միւլգէօնները կազմակերպելով կարողացան Իտալիան վերածնութեան հասցնել: Վանդալների քանդած Հոռմի աւերակների տակ թաղուած գանձեր ծնեցրին տաղանդներ և հանճարներ՝ Միքէլ-Անջելօյին, Ռաֆայէլին, Դանտէին ու Բոքքաչիօյին, որոնք իրենց հետեւորդներով ստեղծեցին գեղարուեստի նորանոր շկօլաներ: Հոռմը չէր կարող ունենալ Մովսիսի և Յիսուսի հռչակաւոր արձանները, եթէ Հոռմի պեղումներից գտնուած չը լինէին Փիդիասի և նրա ժամանակակիցների անգուգական գործերը:

Ինչպէս պեղումները զարգացրին ժողովրդի միտքը, այդպէս էլ զարգացումը ստիպեց գիտակից գործիչներին դասաւորել և կարգաւորել գեղարուեստական բոլոր կերտուածքները, նրանց բաժանել դարէդար, շրջանէ շրջան, որոնց պատմութիւնն ու քննադատութիւնը նիւթ դարձաւ դասաւանդութեան: Այդ կենդանի օրինակները և կենդանի դասախօսութիւնները պարզեցին միտքը, սրեցին գիտակցութիւնը, նրբացրին ճաշակը և ծնունդ առան դարէդար ձիւքերը, տաղանդներն ու հանճարներ:

Իսկ մենք ի՞նչ ենք արել և ի՞նչ ենք անում:

Մեր պապերը ձինգիդ-խաների, Ալփասլանների և Լէնկթեմուրների բռնութիւնները չը կարողանալով տանել, թողին իրենց ծննդավայրը, սրբութիւնները, հայրենի օջախը և ցրուեցան Պոնտոսի ափերով Փոքր Ասիա, Կ. Պօլիս, Թրակիա, Խրիմ, Ուկրաինա, Ռօմանիա, Տրանսիլվանիա և մինչև Լեհաստան և իրենց

հետ որոշ կուլտուրա տանելով, ոչ միայն գրկաբաց ընդունուցան, այլ առանձնաշնորհների էլ արժանացան:

Մնացորդները—լեռնաբնակ, ձորաբնակ ժողովրդի տականքը, լցուեց աստիճանաբար աւերակ քաղաքները և գեղարուեստն սկսեց դարէգար յետադիմել: Այլ ևս Անիի, Ջուղայի թանկագին նուրբ թաւիշները, դիպակները, մոռաներն ու աթլասները, ծաղկուն գործուածքների գործարանները դադարեցին, նրանց տեղը բռնեցին խամ կտաւի, շալի, աբայի գործարանները և չթի դաճարանները, որոնք իրենց գոյութիւնը պահպանեցին մինչև 1875 թուականը և մեքենական աշխարհի արտադրութիւնների դէմ չը կարողանալով մրցել՝ աստիճանաբար—1840 թուականներից ըսկսած ընկան, մինչև բոլորովին փակուեցան: Ոչ միայն թիւրքահայաստանի, Ատրպատականի, այլ մինչև անգամ Կովկասի տմեն մի ետ ընկած քաղաքում կարելի է գտնել հարիւրաւոր փոշոտուած սադերքներ, մասրաններ, մաքուկներ, որոնց տեսքը հառաչանքներ են խլում պառաւ տանտիկիւնների սրտից:

Այսպէս էլ ընկած ոսկերչութիւնը, ապակեգործութիւնը, բրուտները, յաղճապակեայ գործարանները, մէկը միւսի յետևից տեղի տալով կոպիտ կերտուածքների: Հահարրաս, Սուլթան Սէլիմ-վէսը Հայաստանում մնացած վերջին արհեստաւորներին, գորգագործներին, դիպակագործներին, ոսկերիչներին և ճարտարապետներին հազարներով հաւաքեցին, վարեցին իրենց մայրաքաղաքները վարդաբիլու:

Ճարտարապետութիւնն էլ աստիճանաբար այնպէս ընկաւ մեր երկրում, որ ոչ թէ հիմքից մի գեղարուեստական գործ կերտելու ընդունակ մարդիկ չէին մնացել, այլ եղածների կսրկատանները վերանորոգողներն էլ այնքան տգէտ և ապիկար արարածներ են եղել, որ կոպտութեամբ փշացրել են սքանչելի կերտուածքները: Շիրակի Ուղուղլի, Շիրակաւան և ուրիշ գիւղեր այցելողի աչքից արտասուք է թափոււ, երբ նկատոււ է, թէ բիրտ կարկատողները ինչպէս այլանդակել են սքանչելիքները:

Հայ ճարտարապետները գնում են Սերաստիա, Ամասիա և Կ. Պօլիս սուլթանների համար պալատներ, մզկիթներ, շիրիմներ, զրադարաններ և մէղրէսէներ կերտում, որոնցով ապշեցնում են գեղարուեստական աշխարհը, իսկ երկրում մի հասկացող որմնադիր խնկով մոմով չեն ճարում: Սուլդան Մէհմէդ-Փաթիհի, Սուլթան Բայազիտի, Սուլթան Սէլիմի, Սուլթան Սուլէյմանի կերտել տուած բոլոր մսկիթները կանգնել են հայ ճարտարապետները XV-րդ և XVI-րդ դարում: Յաջորդաբար XVII-րդ դարում կառուցուած Նուրի Օսմանիէ մզկիթը, իւր սքանչելի ճարտարա-

պետութեամբ և քանդակներով սքանչացնում է գեղարուեստական էրեններին, բայց մեր երկրում վանքերն ու տաճարները կարկատելու հանդէս են գալիս համբակները:

Բագրատունիները ազգային հին ճարտարապետութիւնը զարգացնելով, հասցրին XI-րդ դարում գեղարուեստական ինքնուրոյն այնպիսի բարձրութեան, որը՝ այդ շրջանում՝ մրցակիցը չունէր ոչ միայն Եւրոպայում՝ Հռոմում ու Յունաստանում, այլ ամբողջ աշխարհում: Եւ այս կատարելութեան հասած ճարտարապետութիւնը ոչ միայն իսպառ ընկաւ, այլ մինչև անգամ դրանց աւերակները խուզարկուներ չունեցան, պեղումներ չը կատարուեցին և իսպառ մոռացութեան տրուեցան:

XIX-րդ դարում Վենետիկի միաբանութեան, Կէստների և ռւրիշ ճանապարհորդների Անիի և Շիրակի մասին աշխատութիւնները ոչ միայն ճշգրտութիւնից անչափ հեռու են, իրական դանձի մի հազարերորդը չեն պարփակում իրենց մէջ, հեռու են նոյնիսկ իսկութեան հեռանկարը լինելուց: Մի միայն տոկուն աշխատանքը—Մառի պեղումները, ճարտարապետ Թ. Թորոմանեանի ընդօրինակութիւնները և վերակազմութիւնները (restauration) ցոյց դրին գիտական աշխարհի առաջ այն սքանչելիքները, որոնք մնացել են ինքնուրոյն հայ-ճարտարապետութեան հետքերից, որոնք արտահանեցին իսկական հայ ճարտարապետութեան այնպիսի տիպարներ, որոնք իրենց նախորդն ու հետևողը չեն ունեցել ընդհանուր ճարտարագիտութեան մէջ:

Շիրակի ճարտարապետական կերտուածքների մէջ մի սքանչելի դիրք է բռնում Ղոշա-վանքը, կամ իսկապէս Հոռոմոսի վանքը, որ իւր աննման ճարտարագործութեամբ ոչ միայն հայերիս համար թանկագին գոհար է կազմում, այլ համաշխարհային ճարտարապետութեան մէջ անգամ անդուզական է իւր ոճով (style) և սքանչելի քանդակներով:

Ամբողջ աշխարհում չէք կարող գտնել մի այնպիսի Կմբէթ, այն էլ ութ միծ քարերից կազմած, որը հազար տարուց աւելի է, որ կանգնած է վանքի տաճարի գաւթի կենտրոնական, չորս սիւների զլխին, շրջապատուած ութ մասից կազմուած քարածածկ Կմբէթներով, որոնց մէկի առաստաղի ծաղկենկարը տալիս ենք մեր ընթերցողներին ¹⁾:

Այս քանդակների նկարի ընթերցողի աչքերին ու սրտին թողած ապաւորութիւնը երբէք չեն կարող թողնել որևէ նկարագրութեան բառերը: Նախադասութիւնները այդ քանդակների նըրբութիւններն ու ոլորածունները չեն կարող արտայայտել: Ձննե-

¹⁾ Կլիշէն Պ. Բուրգից ուշանալով՝ կտանք հետեւեալ համարում: Խմբ.

ցէք, զննեցէք, ընթերցողներ, նրանք ծով խօսքերով կը ներկայանան ձեր աչքերին ու սրտերին:

Զննեցէք կենտրոնական խաչը, որ չորսի է բաժանում առաստաղը, տեսէք նրա խաչերի դարձուածքները, դիտեցէք նրա խորշերը: Դրանց բնապատկերը քարի վրայ է արձանագրուած, այնտեղ է փորագրուած, բայց ոչ մուրճով, այլ գրչով, ասեղով: Տեսէք, թէ որքան տոկուն համբերութեամբ այդ բոլոր երևակայութեան ծրագիրները շարէշար դասաւորուել են քարերի վրայ և ինչքան նրբութեամբ:

Չորս մասերի մէջ չորս բոլորակ է փորագրել պղնձէ ու յաղճապակեայ սկաւառակների նման, որոնց շրջանակները այնպիսի քանդակներով է զարդարել, որ պղնձէգործը կը դժուարանար սկաւառակների շուրջը այդպիսի նրբին խաղերով նկարել: Այդ չորս սկաւառակներից և ոչ մէկը միւսին նման է, չորսն էլ իրարից տարբեր են իրենց քանդակներով: Զննեցէք, մտէք նկարների խորքերը և պիտի նկատէք, որ համանման գծեր չէին սիրում մեր նրբաճաշակ պապերը:

Դեռ աւելին: Այս առաստաղի նման վեց առաստաղներ ունի գաւիթը շալկողմեան և ձախակողմեան երկարութեամբ, արևելքից արևմուտք ձգուած, և այդ վեց առաստաղից և ոչ մէկը իրար նման են: Եթէ հնար ունենայի միւսների նկարները ձեռք բերել, նրանց քննելով պիտի աղաղակէիք, որ դեկադանսը հազար տարի առաջ մեր պապերի գանգերը խիստ շատ է յոգնեցրել:

Թէ տաճարի ներսն ու դուրսը, թէ արտաքին գաւիթը, թէ խորհրդարանը և նրան յարակից սրահները գեղարուեստի թանգարան է—մուգէլ է: Խորհրդարանի ճակատին շարուած խաչքարերը մի մի չքնաղ կերտուածքեր են իրենց նրբին և ոլորածոյ քանդակներով: Այնքան խաչարձանների մէջ, ոչ մի կրկնուած գիծ չէք կարող գտնել, այնքան տարբերուում են մէկը միւսից: Ամեն մի քարի վրայ արուեստաւորների մտքի, ձեռքի և ճաշակի ուրոյն դրօշմը կը գտնէ հետաքրքիր և մանրազնին դիտողը:

Հազար տարի առաջ հողին յանձնուած հանճարեղ աճիւնների ուրուականները, նրանց թողած ձեռակերտների ծալքերից, խօսում են այցելուի հետ, ապրում են իրենց արտադրութիւնների հետ և հապճեպ անցնողի աչքերը գրաւում, ստիպում են կանգնելու և հրապուրուելու:

Հապա խորհրդարանի գոյնզգոյն քարերից հիւսուած մոզայիկ տափարակ առաստաղները բազմազան նկարներով, կամարները բազմաձև խորշերով ու եզրներով, միակտուր սիւները շքեղ խոյակներով և խարխալներով: Լուսամուտներն իրենց քանդակա-

ւոր շրջանակներով և քարից հիւսուած վանդակներով: Ընդարձակ սրահի յատակում զետեղուած բազմաթիւ դերեզմանաքարերը, որոնց իւրաքանչիւրի տակ թաղուած են ոսկեղինիկ դարի ժրջան գլուխները և հանճարեղ ուղեղները, իրենց նւրբին քանդակներով և արձանագրութիւններով այնպէս են աչքի ընկնում, որ այցելուն ակամայ քայլերը զսպում և զգուշութեամբ է անցնում նրանց մօտից:

Սորհրդարանից դէպի արեւմուտ և դէպի արեւելք սրահները, իրենց որմնաքանդակներով, շքեղ որմնասիւններով, իրար հիւսուած կամարանկարներով, նրբաճաշակ շրջանակներով, որոնք արևի լոյսին ճանապարհ են տալիս ոսկեպարար շողերով ցուցնելու այն սքանչելի կերտուածքները, որոնք բիրտ ձեռքերի, անհոգ սրտերի, անխիղճ վերակացունների ձեռքին մատնուած՝ փոշոտուել ու մամռոտուել են, փշրուել ու ջարդուել են, անխնամ թողնուած քայքայուել ու թափթփուել են, որ կարծես ամբողջ շինութիւնը ողբում է ու ակամայ մարդու կիրքն է բորբոքում, զայրոյթն է բարձրացնում, ջղերն է ցնցում:

Այս սքանչելիքների թանգարանը, որ երեք դար «Խաթուն-Օղլուներին» որպէս մարագ էր ծառայել, ախոռի փոխարէն էին գործածուել և միայն թանգրմաթի 1834 թ. Խաթի-Շէրիֆից յետոյ Բարութչիբաշիների թախանձանքով և պատրիարքարանի տըքնութիւնով ազատուել էր, վանքի փոխարկուել, վերջին 70 տարուայ ընթացքում հայ տգէտ վանականների ձեռքին դարձեալ յարգանոցի և խոտանոցի էր յատկացուել:

Ղոշա-վանքը Անիի արքունիքի համար ճիշտ այն դերն է կատարել, ինչ որ Շէնբրունը Պրուսիայի համար: Բայց այդ շքեղ կառուցուածքը չեն կարողացել ըստ արժանւոյն գնահատել մեր նրբաճաշակ պապերի աւերակներն աւելացնող թոռները: Այն սրբարանը, որի մէջ թաղուած են մեր մտքի հանճարները, ժողովրդի առաջնորդներն ու իշխանները, այնտեղ, որտեղ խորհրդի են ժողովել երկրի հոգևոր և մարմնաւոր վարիչները, որտեղ տնօրինել է ժողովրդի գուցէ և ամբողջ ազգի բաղդը, որտեղ ընդունուել են տար աշխարհից այցելող դեսպաններին, որտեղ տընել են իրենց կերտուածքներով պարուրել այդ օտարականների աչքերն ու սրտերը, յարգանքի, պատկառանքի ու ակնածութեան արժանանալ, այդ պարժանքը եօթնասուենամեայ ազատութիւնից յետոյ դարձեալ մնացել է երեք հարիւրամեայ ստրկութեան մէջ, մեր տգէտ և անզգայ վարիչների շնորհիւ:

Ղոշա-վանքը ծաղկած Անիի շրջանում այնպիսի պաշտամունքի առարկայ է եղել, ինչպիսին ս. Մարկոսի տաճարը Վենետիկի

դոժերի համար: Ճշմարիտ է, Ղոշա-վանքը մարմարիօնով, պոր-ֆիրով, ոսկով ու արծաթով չի եղել պատած, ինչպէս գոռոզ Վենետիկի դոժերը ամբողջ Միջերկրականի ափերը կողոպտելով զարդարել էին իրենց երկրպագութեան վայրը, բայց Անիի ճարտարապետները Ղոշա-վանքը ներքուստ թէ արտաքուստ այնպիսի սրբատաշ, գոյնզգոյն քարերով էին կոփել, այնպիսի նազենի հարսի նման սիդնիկներով զարդարել, այնպիսի նրբին ու քնքոյշ քանդակներով և որմանկարներով էին զուգել, որ այդ հրաշալիք կերտողները, երբէք օտար աշխարհի ոսկու ու գոհարի հետ կշռով չէին փոխիլ իրենց նախշած կարծր ու փափուկ քարերը:

Ո՛չ միայն իւր ժամանակին արժանաւորապէս գնահատուած է եղել Ղոշա-վանքի ամեն մի քարը, ամեն մի քանդակը, այլ սրանից քառասուն տարի առաջ Անգլիացի ճանապարհորդները, դաւթի գմբէթի ութը ահաւոր քարերի համար առաջարկել են նրանց կշռով ոսկի և Յովհաննէս հպիսկոպոս Ռշտունին ցանկացել է ծախել, եթէ Կ. Պօլսից Բարութչի-բաշիներից չստանար խիստ հրամանների հետ՝ ծանր յանդիմանութիւններ:

Այս գեղարուեստական տաճարը, որով կարող էր պարծիլ նոյն իսկ գեղեցիկն Իտալիա, որը կարող էր անզուգական զարդ լինել նոյն իսկ Պարիզի Կլունի և Տրօկադէրօի թանգարանների համար, որը կարող էր Բրիտանական Միւշէօնի (British-museum) հնութիւնների ժողովածուի մէջ թագուհու դերն ստանձնել, անխիղճ ձեռքերի, բիրտ թաթերի և անխնամ սրտերի է մատնուած:

Ղոշա-վանքը հազար տարին անց է կացրել առանց հիմնական վերանորոգութեան, նոյն իսկ թեթև կարկատանի ենթարկուելու:

Ղոշա-վանքը այն հնութիւններից չէ, որից կարողանանք ձեռք քաշել, ինչպէս յաւիտեանական մոռացութեան են տրուել անթիւ աւերակներ: Նա Բագրատունիների կուլտուրայի կենդանի պատմութիւնն է, որ աւանդել է, աւանդում է, աւանդելու է թողնելին ու ծուռներին իրենց հանճարեղ պապերի ճարտարապետական ձիւղերն ու տաղանդները: Այդ կանգուն տաճարը այսօր անհրաժեշտ կարիք ունի վերանորոգութեան, որպէս զի դարձեալ դարէդար կանգնի և խօսէ ապագայ սերնդին իւր կերտող ճարտարապետների անցեալը և ոգևորելով մատաղ սերնդին նորանոր Տրդատ-ճարտարապետներ ծնեցնէ:

Բաւական է որքան սուրուկ մնաց Ղոշա-վանքը «Սաթուն-Օղլիների» և տգէտ-վանականների ձեռքին, նրան պէտք է զարդարել գեղեցիկ հարսի նման և այնտեղ կուտակել Շիրակի այլ և այլ մասերից հաւաքուած հնութիւնները: Անհրաժեշտ է, վերանորոգելուց յետոյ, վանքը վերածել մի թանգարանի և հազարա-

ւոր հնութիւններ, որոնք յաւիտենական ջնջման են ենթարկուելու, օր առաջ կուտակել այդ թանգարանում: Եօթը դարի ընթացքում ծննդավայրից փախչող պապերը որքան որ հնարաւորութիւն ունեցել են քաշով թիթեւ և գնով ծանր առարկաները տարել են: Եօթը դար շարունակ Շիրակը աւերող ու կողոպտողները դարձեալ այդ կողոպուտները կրել են օտար աշխարհ, այնպէս որ լերկ քարերն են թողել երկրում, գետնի տակ թաղուած և շինուածքների փլատակները:

Մինչև անգամ շինուածքներն էլ հանգիստ չեն թողել Ղաւթանօղլիները իրենց ապարանքը շինելու համար, XVII-րդ դարում, այն մեծամեծ տները որ ներկայիս կանգնած է դեռ կարուց բերդամասում, Անիի պալատներն ու տաճարները քանդել տալով, սրբատաշ քարերը փոխադրել են Կարս: XIX-րդ դարում Կարսում Հաջի-Աբդուլլահի, Կուրօ-զադէի, Մօլլաղայի և Մուրաշայու շինել տուած տների որմերը, հիւսուել են անիի աւերակների քանդուցքուց բերուած որրատաշ քարերով:

Բայց որքան էլ տարած, ցրուած ջարդած ու փշրուած լինեն, Շիրակի ճարտարապետական կերտուածքներն այնպիսի ծով են կազմում, որ չեն սպառել և նրանց տակ թաղուածները դարձեալ մի մի անգին մարգարիտներ են գիտական աշխարհի և մեր խել երկրի համար:

Ահա այս մարգարիտները հաւաքելու, գասաւորելու և պահպանելու համար, միակ և անզուգական թանգարանին կարող է ծառայել Ղոշա-վանքի խորհրդարանը և նրա շրջապատի սրահներն ու սենեակները, գաւթներն ու անցքերը, որոնք պատրաստի միւլդէօն են կազմում ինքնըստինքեան իրենց կազմուածքով:

Անհրաժեշտ է միայն գլուխ քաշել, մաքրել և որ գլխաւորն է վերանորոգել զանազան քանգուած և խարխլած մասերը: Այս նորոգութիւնը անհրաժեշտ և անյիտաձգելի պահանջ է, քանի որ կործանուելու վտանգ է սպառնում վանքին:

Մի այսպիսի անզուգական զանձարանի պահպանութեան համար անհրաժեշտ է, որ ձեռք կառկառեն մեր հարուստները, որպէսզի յաւիտենական անհետացումից փրկեն այդ գեղարուեստական կերտուածքը, որով ոչ միայն կը փրկեն կործանումից Ղոշա-վանքը, այլ հնարաւորութիւն կը տան Շիրակի այլ և այլ գիւղերից ու աւերակներից գտնուելիք իրերը այդտեղ փոխադրել և կազմել մի հայակական ճարտարապետական, քանդակագործական գեղարուեստի թանգարան:

Ինչ անապօրծութեան և ոչ էլ ազգայնական նեղ հայեացք-

ներից զրդուած պէտք է ձեռնամուխ լինել այս վերանորոգութեան, այլ սոսկ գրտական նպատակով: Հանրամարդկային ճարտարապետութեան մէջ հայկական ճարտարապետութեան զարգացման և հասած կատարելութեան որոշ մարմնացած գաղափարը ցոյց դնելու համար, անհրաժեշտ է այդ վանքերի թագուհին անաղարտ պահպանել:

Մեր մատաղ սերնդին կուտուրապէս բարձրացնելու, միտքը կրթելու, երևակայութեան թռիչքները լայնացնելու համար, անհրաժեշտ է նրան Ղոշա-վանքի վրայ զբօշմուած մեր պապերի կատարելագործած և ապա կորցրած կուտուրայի հետ շօշափելի կառուցուածքների կանգուն օրինակներ տալ:

Այս նպատակի վստմութիւնը աչքի առաջ ունենալով, դիմում ենք հայ հասարակութեան և առաջարկում, միջոցներ ձեռք առնել և նոյն իսկ այս տարի սկսել այդ վերանորոգութիւնը, քանի որ վանքին սպառնում է կործանում:

Ձեռնհաս ճարտարապետների և մասնագէտների կարծիքով, այդ վերանորոգութեան համար կարիք կայ ոչ աւելի քան 7000 բուլբուլ, որով ոչ միայն կարելի է բոլոր փլուածքները և խարխլածները վերակազմել, այլ հնարաւոր է պարիսպներն էլ կարկատել, մաքրել ներքին մասը և յարմարեցնել թանգարանի:

Յոյս ունենք, թէ հայ հասարակութեան գիտակից և զգալուն դասը անտարբեր չը պիտի մնայ և անմիջապէս միջոցների պիտի դիմէ, որպէսզի մի յանձնախումբ կազմէ, գործին նախաձեռնելու և կարող անձնաւորութիւնների յանձնելու վերանորոգութիւնը:

Վստահ ենք, թէ միւր գիտակցութեան և կարողութեան ներկայացուցիչները չը պիտի զլանան իրենց լուծման արժանաւորապէս վերանորոգելուն այդ գեղարուեստի տաճարը, վերափոխելու նրան մի թանգարանի, որը ոչ միայն պիտի ծառայէ շրջակայ ժողովրդի ճաշակի զարգացման և ճարտարապետական հանճարների վերածնման, այլ պիտի գրաւէ բազմաթիւ հետաքննին և խուզարկու ճանապարհորդների, որոնք այդ սեմից ներս մտնելուց յետոյ, դուրս գալիս այլ ևս չը պիտի կարողանան թքել արժանաւոր կառուցողների անարժան թոռների երեսին, այն պատճառով, որ չեն կարողացել իսկապէս գնահատել իրենց հայրենի ժառանգութեան անփոխարինելի գանձը:

Սրանից երկու տարի առաջ մի իտալացի ճանապարհորդ Ղոշա-վանքի այցելութիւնից և ամին բան ուսումնասիրելուց յետոյ, զուրս գալիս հառաչեց ու ասաց.

— «Եթէ այս հսկայ գեղարուեստական կոթողը իտալիայում լինէր, մենք նրան թաւշեայ պահարանների մէջ կը պահպանէինք և կարկատանքը ոսկով ու փղոսկրով կը կատարէինք»:

Հայ ժողովրդի գիտակից և ունեւոր դաս, ձեզ դիմելով առաջարկում ու ցանկանում ենք, իտալացիների նման կրկնէք, թէ Ղոշա-վանքը «ինչպէս որ էր, այնպէս էլ պիտի կանգնի» ու թանգարան դառնայ հայ գեղարուեստի:

ԱՏՐՊԵՏ

ԱՆԻ ՔԱՂԱՔԻ ԱՒԵՐԱԿՆԵՐԸ

(Կ. Ա. ԼԵՕՆՏԻԵՎԻ)

(Նուէր բազմապատակ ծարտ. Թ. Թօրամանեանին)

Հայկական ճարտարապետութիւնը մինչև այժմ քիչ է զբաղեցրել արուեստի պատմութեաններին: Ռուսները, չնայելով տեղի մօտաւորութեանը, ուր այդ ամենահետաքրքիր արուեստն յառաջացաւ, չնայելով նրա ակզակցութեանը ուսական ճարտարապետութեան հետ՝ ոչինչ, կամ համարեա շատ մասնաւոր բան են աւելացրել նրա ուսումնասիրութեանը: Եթէ որեւէ տեղ էլ յիշուած է հայկական ճարտարապետութեան մասին, այն է շատ անգամ շփոթուած են վրացականի հետ:

Վրաստանի և Հայաստանի ճարտարապետութեան վերայ առաջին անգամ ուշադրութիւն դարձնող գիտնական Դիւրիւա-դէ Մօնպերեն կանգնած էր բոլորովին ուղիղ հայեցակէտի վերայ, համարելով հայկական ճարտարապետութիւնը նախատիպ վրացականին: Այդ հայեացքի հակառակորդները, չներկայացնելով լուրջ առարկութիւններ Դիւրիւա-դէ-Մօնպերէի տօնորդի ուղղութեան դէմ, աւելի շատ հակուած են համարել այդ ճարտարապետութիւնները զուգընթացաբար զարգացած, միեւնոյն աղբիւրից, բայց բոլորովին միմեանցից անկախ: Պրօֆ. Կանդակովը, իւր «Հին վրացական ճարտարապետութիւն» գրքի մէջ, մինչև անգամ բոլորովին մերժում է վրացիների ճարտարապետական սկզբունքների փոխառումը հայկական ոճից: Նա ասում է: «Ընդհանրապէս գործածուող «վրաց ճարտարապետութիւն» տերմինը՝ առողջ մտքի ծնունդ է, պարզ հասկանալի, որովհետև ճարտարապետական յիշատակաւորանքներ կենդրոնացած են բուն Վրաստանում և ոչ Հայաստանում»:

նում»։ Բայց պատմութեան և հայկական յուշարձանների սերտ ուսումնասիրութեամբ, այն հայեացքը, թէ հայերն իրանց ճարտարապետութիւնը ստացել են Վրաստանից, — պիտի բոլորովին թողնել։

Իսկապէս, Վրաստանի և հայաստանի յուշարձանների մեծագոյն մասը, յառաջացել են ծառայելու այն կարիքներին, որոնք կապ են ունեցել քրիստոնէութեան մուտ գործելու հետ, դորա համար էլ քրիստոնէութիւնն ընդունելու ժամանակը, երկու երկրների համար էլ կարող է ծառայել իբրեւ յենակէտ ճարտարապետական պատմութեան։

Վրաց Միրիան (Միրյան?) թագաւորը, շնորհիւ ս. Նունէի շանքերի, քրիստոնէութիւն ընդունում է IV դարի սկզբում և քրիստոնէական կրօնը դառնում է պետական։ Որպէս զի Վրաստանի քրիստոնէութիւնն ընդունելու ճիշտ տարեթիւը հաստատենք, դիմենք Բարօնիա պատմաբանի վկայութեանը։ Նա գրում է. «Կոնստանդինի թագաւորութեան 22, Սիլւեստրի 14, Գր. ծն. 327 տարին, Իվերիայում սուրբ հաւատը տարածուեց» և այլն. և յետոյ պատմում է ս. Նունէի լուսաւորիչ գործունէութիւնը¹⁾։ Այն ինչ հայաստանում քրիստոնէութիւնը տարածւում է Տրդատ Մեծի օրով, որ բարձրացաւ հայոց զահի վերայ 286 թուին։ Տրդատն ինքն ընդունեց քրիստոնէութիւն և նրան արաւ պետական կրօն։ Յետոյ պիտի նկատել, որ հայոց հոգեւոր գլխին — կաթողիկոսին էին ենթարկուած Աղուանից և Վրաց արքեպիսկոպոսները և վերջինս անկախացաւ հայ եկեղեցուց միայն VI դարում²⁾։

Այժմ աշխատենք ուսումնասիրութեան արժանի յուշարձանների շինուելու տարեթուերը որոշել։ Արխագլայի Պիցունցու տաճարը մինչև այժմ համարւում է ամենահին յուշարձանը, որ ծառայում է իբրեւ նախատիպ վրաց ճարտարապետութեան, իսկ ինքն Արխագլան, հայրենիք Վիր-Բիւզանդական տէրի։ Այդ տաճարն ի պատիւ ս. Սօփիայի Աստուածային ի-

¹⁾ «Древности восточныя». Трудъ вост. ком. Имп. Мос. Арх. Общест.

²⁾ Внутр. быть древн. Арм. Г. Езовъ.

մաստուլթեան (այդ մականունը նա պահպանում էր մինչև XVI դարը) Պրոկոպի վկայութեամբ, նորադարձ արխագդինների համար շինեց Բիւզանդացոց Յուստիանոս I կայսրը 551 թուին։ Բայց թէ շարուածքի (քարերի և աղիւսների անհաւասար կարգեր) և թէ յատակագծի բացառիկ բնոյթով, մեզ հասած Պիցոււնցու եկեղեցին ամենից շատ մօտ է բիւզանդական XI դարի եկեղեցիներին։ Այս դաթն (տարեթիւ) էլ պիտի ընդունել, իբրև եկեղեցին կառուցանելու ժամանակամիջոց, որն ընդհանրացած կարծիքով, ներկայացնում է վրացական եկեղեցիների նախատիպը։ Այլև պիտի նկատի ունենալ, որ վրաց պատմաբանների ասածներին համաձայն, մինչև անգամ ամենահիները և այդ պատճառով աննշան ու ճարտարապետական քիչ հետաքրքրութիւն շարժող յուշարժանները, կառուցուել են X դարից ոչ առաջ։

Այժմ դիմենք Հայաստանի պատմութեան։ Ազաթանդեղոս պատմագիրն ասում է. «Գրիգոր Լուսաւորիչը (IV դար) քրիստոնէութիւն մտցրեց ամբողջ Հայաստան՝ քանդելով կռատունները, շինելով «տաճարներ» ամեն կողմերում,—նահանգներում, քաղաքներում, աւաններում և գիւղերում՝ նշանակելով քահանաների, սարկաւազների և եկեղեցու ուրիշ սպասաւորների անհամար բազմութիւն։ Հայկական եկեղեցիների կառուցուելու սկզբնաւորութեան այս ընդհանուր ցուցմունքից անկախ՝ նրանց մի քանիսի տարեթուերը կարելի է ճշմարտութեամբ ցոյց տալ։ Հայերի զլխաւոր սրբութիւնը—Էջմիածինը հիմնուել է 303 թուին. այս վանքից կէս վերստ արևելահարաւ գտնուում է սուրբ Գալիանէի եկեղեցին (վանքը?)։ մէկ վերստ արևելք կանգնած է ս. Մարինի կամ Շողակաթի եկեղեցին. առաջինը շինուել է 618 թուին, երկրորդը 630 թուին։ Ծովաց երկրի Խոզան քաղաքում ս. Գրիգորի որդին շինեց մի մեծ եկեղեցի։ Ս. Մակարի վանքը (Գանձակի նահանգում) հիմնուած է IV դարում։ Վաղարշապատին մօտ, Ներսէս Շինող կաթողիկոսը V զարում կառուց տաճար ս. Գրիգորի անունով։ Ընդհանրապէս, եթէ մի կողմ էլ թողնելու լինենք եկեղեցական շինարարութիւնը և դառնանք ճարտարապետու-

Թեան այլ նիւղերին, կտեսնենք Հայաստանի տարածութեան վերայ տհաւոր բազմութիւն շինութիւնների, ամենախոր հնութեան, այժմ աւերակ դարձած, որոնք հասկացողութիւն են տալիս հայկական հին արուեստի մասին: Այսպէս օրինակ, Արաքսի մէջ Թափուող Աղստ գետի հովտում, եղել են ամենահին յիշատակութիւններն հայերի պատմութեան: «Այստեղ Գր. ծն. 2000 տարի առաջ Գեղամ Թաղաւորը քաղաք ¹⁾ շինեց», որն իր աւերակներով այժմ էլ ներկայացնում է զեղեցիկ նմուշներ հայկական արուեստի, այստեղ մինչև այժմ էլ ճանապարհորդի զարմանքը շարժում է ամալի վանքը, որի մեծ մասը ժայռի մէջ է փորած: Ամբողջ Հայաստանը ձեռք էր դեղեցիկ ճանապարհներով, նրա արագավազ, սրբնթաց գետերի վերայ, չնայելով ամենամեծ դժուարութիւնների՝ կամուրջներ էր կառուցուած. ամեն նշանաւոր տեղերում բերդեր—ամրոցներ էր կանգնեցրած: Ագաթանգեղոս պատմագրի խօսքերով, Արտաշատ քաղաքում, Արաքսի վերայ, հինգ կամուրջ էր կապած:

Բացի այս բոլորից, մեր նպատակին կարող է մեծ ծառայութիւն մատուցանել Անի քաղաքի աւերակների ուսումնասիրութիւնը: Անիի պատմութիւնն սկսւում է V դարից, երբ նա դեռ փոքր ամրոց էր և պատկանում էր Կամսարապաններին: VIII դարում նրանք Անին գիշան Աշոտ Բագրատունուն, որ ամրացրեց նրան և այնտեղ տեղաւորեց իւր գանձատունը և 961 թուին Բագրատունիները իրանց մայրաքաղաք դարձրին: Շուտով Անին այնպէս բնդարձակուեց, ամրացուեց և զարգարուեց, որ XI դարի սկզբում, ինչպէս ասում են, 100,000 տուն և 1000 եկեղեցի ուներ ²⁾: 1124 թ.—1209 թ. ժամանակամիջոցում, վրացիները հինգ անգամ տիրեցին այդ քաղաքին և հաւանական է շատ խնամքով չէին վերաբերում Անիի շինութիւններին: Ընդհանրապէս այդ քաղաքը ձեռքից ձեռք էր անցնում յոյներին, արաբներին, սելջուկներին և քարթուկներին: 1239 թուին մոնղոլները, բոլոր բնակիչներին կոտորե-

¹⁾ Внутр. быть древн. Арм. Г. Езовъ.

²⁾ «Новыя замѣтки на древн. ист. Кавказа и его обитателей» И. Шопена.

լով՝ քաղաքն աւերեցին: 1319 թուին զրանց ձեռքի գործը լրացրեց երկրաշարժը: Եւ չնայելով այդ բոլոր թշուառութիւններին, Անիի աւերակները, որոնք ծածկում են Դ քառակուսի ¹⁾ կիլոմետր տարածութիւն, ներկայացնում են հայկական ճարտարապետութեան կատարեալ մոզէ: Անիի նոր մասի Ս. Գրիգոր Լուսաւորիչ փոքրիկ եկեղեցու պեղումների ժամանակ զրտնուել է խաչքար հայկական 401 թուականով: (952 թուին Ք. յ.):

X դարից սկսած, Անին դառնում է հայկական կեանքի հոգևոր կեդրոն: Կաթողիկոսներն իրանց աթոռը փոխադրեցին այստեղ: Մայրաքաղաքի շուրջը շինուեցին վանքեր, իսկ բուն Անիի մէջ մի քանի մատենադարաններ, որոնց թւում և արքունի մատենադարանը: Այսպիսով Անիում արդէն X դարում գոյութիւն ունէին մի շարք շինութիւններ, որոնք իրանց գեղարուեստորէն կառուցմամբ՝ ներկայացնում են հայկական ճարտարապետութեան զարմանալի արտադրութիւններ: Այդ շրջանից լաւ պահպանուել են և որոշ գաղափար են տալիս հայերի գեղարուեստական ճաշակի բարձր հասկացողութեան մասին X դարում, չորս եկեղեցիներ. — տոհմական փոքրիկ եկեղեցին ս. Գրիգորի անունով. Մայր եկեղեցին Աստուածածնի, ս. Գրիգորի եկեղեցին (6 արսիդներով) ²⁾ և Առաքելոց եկեղեցին: Անկասկած զրանց կանխել են աւելի հին շինութիւններ, որոնցից և մշակուել է ինքնատիպ հայկական ոճը, և որոնք մեզ չեն հասել՝ Անի քաղաքի բազմաթիւ անգամ աւերածութեան ենթակայ լինելու պատճառով: XII դարում վրացիները հինգ անգամ նուաճել են Անին և այդ պատճառով էլ հաւանական է ենթադրել, որ տիրողները նուաճած ժողովրդի ճարտարապետութեան վերայ զրին իրանց կնիքը: Իսկապէս հայերի նուաճուելը վրացիներից աննշմարելի է: «Եթէ հայ և վրացի պատմադիրների վկայութիւնները չլինին, մենք չենք կարող մտածել, թէ

¹⁾ Յարգելի գիտնականի ենթադրութիւնը ճշտւում է նորանոր փաստերով: Ըստ ճարտ. թորմանեանի Անին պարիսպներից դուրս տարածուած է եղել Ղօզլիճայից (Բագնայրից) մինչև Ղօշավանք (Հոռոմոս) խիտ արուարձաններով: Թ.

²⁾ Երևի Ապուղամբէնց ծ. թ.

Անին որ և է կախում ունեցել է վրացիներից. ահաւոր քանակութեամբ պահպանուած և թէ մեր պեղումներով գտած արծառագորութիւնների մէջ՝ ասում է պրօֆէսօր Մառը, չկայ ոչ մի յիշատակութիւն վրաց թագաւորների տիրապետութեան մասին, որպէս Անին տիրողների: Եթէ երբ և իցէ էլ յիշում է վրաց թագաւորութեան մասին, այն էլ բացառապէս արծառագորութեան դաթի (թուականի) համար է լինում, որից չի կարելի եզրակացնել վրաց տիրապետական նշանակութեան մասին տեղական կեանքում:

Անցնենք այժմ վերջին և շատերի կարծիքով այն ամենաուժեղ ապացոյցին, որ իբր հայկական ճարտարապետութիւնն իր սկզբնաւորութիւնը վերցնում է վրացականից: Յոյց են տալիս, որ իբր ուսումնասիրութեան արժանի յուշարձանները գտնուում են Վրաստանում և ոչ Հայաստանում: Իբրև հակադարձ ապացոյց, թուոցիկ կերպով թուենք այն շէնքերի ցուցակը, որոնք կարող են ծառայել ինչպէս օրինակ հայկական ճարտարապետութեան և որոնք գտնուում են միայն Ռուսական Հայաստանում, Մարմարշէնում, (Երևանի գ.) Էջմիածնում և Անիում բազմաթիւ յիշատակարաններ: Լիակատար ուշադրութեան արժանի են Մխիթար Գօշի վանքը (Շուշուայ գ.) Ապրի վանք (Այրիվանք), ս. Թովմայի Ագուլիսում (Նախիչևանի գ.) Գեղարդայ վանք Արարատի մօտ, հաղարծնի վանքը (Շուշ. գ.) Ալամի վանքը: Անուանենք եկեղեցիները, Աստուածածնի՝ Բազնայրում (Ղօղլիճա), Բէշ-Քիլիսա (հինդ սրբոց) Խնժկոնքում, Տասներկու առաքելոց՝ Կարսում, ս. Գրիգորի մայր եկեղեցին Դարաչիչակում, եկեղեցիները՝ Ղօշավանքում (Անի մօտ) Պօղոս-Պետրոսի մատուռը՝ Ենլիճայում և այլն:

Բայց մի կողմ թողնելով մինչև անգամ բոլոր վերը բերած եզրակացութիւնները, ապացուցանելու համար, որ հայկական ճարտարապետութիւնը վրացականից բոլորովին այլ ճանապարհով է յառաջացել իր սկզբնական շրջանից սկսած, նշանաւոր է նկատի ունենալ հետևեալը.

Ճարտարապետական արուեստը չի կարող լինել (յառաջանալ) առանց մարդկային բազմութեան—մասսայի, որոնք սերնդէ

սերունդ իրրև ժառանգութիւն կտան արհեստի ձեակերպութիւնները և իրանց շանասիրութեամբ զեղարուեստագէտի միտքը կը կենդանացնեն: Իսկ Վրաստանում, հնադարեան հայ հրապարակախօս Սիմօնեանցի ասելով, ոչ մի ժամանակ չի եղել, այսպէս անուանուած երրորդ դասակարգ, ազդաբնակութիւնը բաղկացած էր ազնուական հողատէրերից և ճորտերից: Երրորդ դասակարգը (վաճառականներ և արհեստաւորներ) ոչ միայն ծփխիտում, այլ և միւս քաղաքներում բաղկացած էր հայերից: Վերոյիշեալին պիտի աւելացնել, որ ներկայիս էլ Կովկասում հմուտ քարտաշներն ու քարի վերայ փորագրողները հայեր են:

Այս պատճառով հայկական ճարտարապետութիւնները պիտի մեզ շահագրգռէ, նախ նրա համար, որովհետև զարգացել է նոյն արմատից, որից մեր՝ ռուսներին շինարարութիւնը, երկրորդ որ նա իւր ծաղկած ժամանակ, ոճի այնպիսի օրինակներ է տուել, որոնք կարող են բաւարարել ամենախիստ քննադատին անգամ: Որպէսզի հասկանալի լինի, թէ հայ ճարտարապետներն ինչ ճանապարհներով հասան այս կատարելատիպ օրինակներին, որոնք այժմ մեր զարմանքի առարկան են դարձել, պէտք է մի փոքր կանգ առնել հայաստանի պատմութեան վերայ և ընդհանուր գծերով նշանակել այն ուղին, որով շարունակուել է հայ ճարտարապետութիւնը:

Վ. Բ.

(Վերջը միւս անգամ)



ՄՈՒՐԱՑԱՆ [†]

1854—1908

Մենք Հայերս սովոր ենք մեր արդիւնաւոր անձինքը իրենց մահէն վերջը փնտռել: Այս ակնյայտնի իրողութիւնը ապացուցանելու համար հարկ չկայ անցեալը պրպտել. ահա նոր օրինակ մը — Մուրացանը: Կենդանութեան ատեն անյայտ և թաքուն մնաց և չճանչցուեցաւ, որով և չգնահատուեցաւ իւր ոգւով չափ սիրած հայ ազգէն, հայ ժողովրդէն: Իւր 35 ամեայ գրական բեղմնաւոր գործունէութեամբ հանդերձ երախտագիտական որևէ նշան մը կամ համակրանաց արտայայտիչ փոքրիկ ցոյց մը չնշաւ ազգին կողմանէ. եթէ մեծ դժուարութեանց և աշխատեցուցիչ պարագաներու կապուած էր իւր գրոց տպագրութեան ձեռնամուխ ըլլալը, բայց կարծենք 25 ամեայ յորելեան հանդէս մը կարելի էր առանց շատ յոգնելու կատարել՝ ի պատիւ Մուրացանի արդիւնաւոր գրչին: Այս նշանաւոր վիպագրին հանդէպ Ռուսահայոց բռնած ընթացքը առեղծուած մըն է, որուն զոհացուցիչ մեկնութիւնն ու լուծումը չեն տար այն պատճառաբանութիւնները, որ ցայժմ յառաջ բերուեցան: Գոնէ այսուհետեւ տանք անոր իւր արժանավայել յարգն ու կարգը և այն բարձն ու զահը, ուր բազմելու լիուլի իրաւունք ունի, իբրև անուանի հայ վիպասան և թատերագիր:

Մուրացան ծածկանումն տակ պահուրտող անձնաւորութեան բուն անունն է Գրիգոր Աստուածատուրեան Տէր-Յովհաննէսեան: Ծնած է Շուշի (1 Դեկտ. 1854, Հ. Տ.): Նախնական կրթութիւնն ստացաւ սոյն քաղաքին թեմական դպրոցին մէջ, ուր հայերէնի հետ ուսաւ նաև զաղղիներէն լեզուն: Հազիւ ուսման ընթացքն աւարտած (1874)՝ սկսաւ ժամանակին անուն ունեցող լրագրաց մէջ գրիչ շարժել: Գրականութեան կոչում ունենալով հանդերձ՝ ամբողջապէս նոյնին նուիրուիլ չկրցաւ. իւր նեղ կացութեան պատճառաւ, ստիպուած էր ուսուցչութեամբ զբաղիլ և ապա Թիֆլիսի մէջ վարել հաշուակալի պաշտօն Շուշեցի Միքայէլ Միրզայեանի

առևտրական խանութին մէջ: Այս պաշտօնին մէջ մնաց մինչև վերջին տարիները: Քանի մը տարի յառաջ գնաց Բաթում, ուր կանչուած էր լաւ պաշտօնով մը. բայց յաջողկոտաց սպառնական նամակներէն ստիպուած և Աղէքսանդր Թարխանեանցի բախտին չվիճակելու համար, խոյս տուաւ և դարձաւ Թիֆլիս: Այս արհաւիրքը ազդեց մեծապէս իւր ֆիզիքական կազմածքին վրայ, որուն հետեւութեամբ քայքայեցաւ արդէն իսկ աննախանձելի մարմնական առողջութեան հետ մտաւոր կարողութիւնը, որոնց ճնշման տակ ընդ միշտ ընկճեցաւ (30 Օգոստոս 1908, Հ. Տ.):

Բազմաթիւ և բազմազգի են Մուրացանի գրութիւնները: Դժբախտաբար կորսուած կը մնան ներկայ և ապագայ աշխարհի համար, եթէ տակաւին թող տրուին հոն՝ ուր են: Վասն զի Մուրացանի երկասիրութիւնները հրատարակուած են ցրիւ պարբերական թերթերու մէջ, որ օրուան հետ կը ծնանին և կը մեռնին: Հանգուցեալը մահուընէն չորս տարի յառաջ ինքնին ձեռնարկեց իւր ցիրուցան երկերը հաւաքել և ներքին բովանդակութեան համաձայն համադրելով՝ ի լոյս ընծայել հատորներու մէջ: Այսու թէպէտ ժամանակագրական կարգը չէր պահուեր, բայց ասոր փոխարէն ընթերցողը միահաղոյն առջևը կ'ունենար այնպիսի նիւթեր, որ քիչ շատ իրարու հետ որոշ կապ ունէին և ամբողջութիւն մը կը կացուցանէին: Մուրացանի գովելի ձեռնարկութեան սկիզբը եղաւ, բայց չպսակուեցաւ իւր կենդանութեան ատեն: Նիւթական միջոցներու և քաջալերողներու պակասութեան պատճառաւ, յոկ Ա. Հատորը հրապարակ ելաւ (1904) և առկա մնաց ցայսօր: Թերեւս այս տարւոյ սկիզբները լոյս տեսնէ իւր երկասիրութեանց Բ. Հատորը, զոր, ինչպէս արժ. Գիւտա. ք. Աղանեանց կը ծանուցանէ «Հայրենիք» թերթին մէջ (1908 թ. 15): Հեղինակին կամքին ու տրամադրութեան համաձայն՝ յիշեալ գիտնական քահանան արդէն անցեալ տարւոյ Յունիս 24-ին մամուլին յանձնած է: Այս հատորին բովանդակութիւնը չի համապատասխաներ այն կարգին, զոր Մուրացան իւր երկասիրութեան Ա. Հատորին մէջ սահմանած է: Բ. հատորը պիտի կացուցանէր «Գէորգ Մարդպետունի» ընդարձակ վէպը, մինչ Աղանեանցի հրատարակութեան մէջ Բ. հատորը պիտի բաղկանայ (ըստ վերջին կամաց հեղինակին) «Պատասխան իմ քննադատներին», «Ռուզան» և «Անդրէաս Երեց» երկուքն ալ կերպարանափոխուած: Այսպէս թէ այնպէս, էականն է վաղընդփոխ աւարտումը Մուրացանի գրութեանց հրատարակութեան, որոնց պատկառելի շարքը պարծանաց պսակ պիտի ըլլան Հեղինակին, Հրատարակիչներուն և հայ Գրականութեան:

կարելի չէ Մուրացանի երկասիրութեանց ամբողջութեան վրայ նոյն դատաստանը կտրել: Գործքերէն ոմանք շատ անկատար են և գրեթէ անարժէք. բայց մեծաւ մասամբ ընտիր և շահեկան են: Անշուշտ մարգարիտները արհամարհելու պէտք չկայ, ապակւոյ հետ խառնուած ըլլալուն համար. վասն զի մեր անկատար աշխարհքին մէջ այնպէս է բնութեան կարգ, որ լաւին հետ գէշը, ցորենին հետ որոմը խառն ըլլայ: Շատ խիստ և անարդար կը գտնենք այս պատճառաւ քննադատներէն ոմանց և յանուանէ Լէօի այն դատաստանը, զոր Մուրացանի նկատմամբ կտրած են: Լէօ իւր «Ռուսահայ գրականութիւնը» գործին մէջ (տպ. Վենետիկ 1904, էջ 280—284) Մուրացանի վրայ խօսած ժամանակ՝ կարծես դիտմամբ լոկ այնպիսի գրուածքներն յիշատակած է, որ այնչափ յարգի չեն իբր գրական՝ ևս առաւել վիպական արտադրութիւն. բայց և ոչ խօսք ըրած է Հեղինակին նշանաւորագոյն գրուածքներուն վրայ, որպիսի են «Գէորգ Մարգպետունի» վէպը և «Ռուզան» ողբերգութիւնը: Կարծենք այսօր Լէօ փոխած է Մուրացանի վրայ իւր դատաստանը: Հոս յառաջ կը բերենք Մուրացանի գրութեանց ամբողջական ցուցակն ըստ իւր իսկ շարադրութեան: Իւր երկասիրութեանց Ա. հատորին մէջ հրատարակուածներն են «Նոյի Ագոսալը», «Առաքեալը» և Խորհրդաւոր Միանձնուհի»: «Գէորգ Մարգպետունի» (Բ. հատոր), «Վահան Գողթնացի», «Անդրէաս երէց» (Գ. Հ.). «Հայ բողոքականի ընտանիքը», «Իմ կաթոլիկ հարսնացուն», «Զբհաս է» (Գ. Հ.). «Հարուստը զուարճանում է», «Հասարակաց որդեգիրը», «Իմ հրջանկութիւնը», «Անպատճառ իշխանուհի», «Միթէ վայել է» (Ե. Հ.). Յաջորդ հատորը մանր գրուածքներու շարք մըն է. «Հանելուկը լուծուեցաւ», «Հին ազգասիրի զաղտնիքը», «Պսակների բողոքը», «Երեկ և այսօր», «Տիկին Փիրալեանի վիշտը», «Ինչու իմ ստորագրութիւնը չընդունեցին», «Յատուկ թղթակիցը», «Խոջի վանքում», «Երկուսից հրը», «Մարդը մտադիր, կինը կարգադիր», «Ծպահանջ» և «Գրութեան քոյրերը» (Զ. Հ.). «Լուսաւորութեան կետրոնը» Ա. և Բ. մասն (Է. Հ.). «Լուսաւորութեան կետրոնը» Գ. և Դ. մասն (Ը. Հ.). Թատրերգութիւններ, Չափածոյ բանաստեղծութիւններ (մի ծաւ մասամբ անտիպ՝ Թ. Հ.). «Իմ տեսած աշխարհ» (նոյնպէս անտիպ՝ Փ. Հ.): Այսչափ բաղմաթիւ գրուածքներով հանդերձ՝ Մուրացանի անունը ժողովրդականացած չէ: Պատճառը լոկ այն չէ, որ իւր գրութիւնները պարբերական թերթերու մէջ անյայտ թաղուած կորսուած են: Իւր անյայտ մնալուն մասամբ պատճառ գարձած է ինքնին իսկ իւր անհատական ընաւորութիւնը և ենթակայական ուղղու-

թեան լարուած տենչանքն ու ձգտումը և պաշտպանած միակողմանի գաղափարները: Սակայն և այնպէս արդարացի չէր ըլլար այս կարգի գրութեանց համար Մուրացանին վիպագրի անունը զլանալ: Այս անուան լիովին արժանի է միայն իւր «Գէորգ Մարգպետունի» գեղեցիկ վէպին համար, չիշխելու համար ուրիշ շատ յաջող վէպերը:

Իրաւամբ Գէորգ Մարգպետունի պատմական վէպը իւր գլուխ գործոցը կը համարուի (հրատ. «Արձագանքի» մէջ իբր թերթօն 1896, թ. 35 մինչև թ. 150, մէջընդմէջ ընդհատութեամբ): Լայն վրձինով և առնական ազդու կերպով կը գծէ իւր պատմական նկարին վրայ շրջանակի ծիրերը և յագեցուցիչ գոյներով զայն կը պատկերացընէ: Ժամանակին (940—920) արհաւիրից, խիստ, դառն և արիւնալից պարագաներուն և հանգամանաց մէջ՝ կը տեսնենք, թէ վիպագրին ճարտար վրձինը չի մոռնար ստեղծել կնոջական զգայունութեան գողտրիկ ծաղիկներ, և դարուն պարզ մարդիկներուն փոքրիկ ու շարժող պատկերներ՝ անագորոյն տեսարաններէ յոգնած աչքը կը կազդուրեն ու կը զուարթացընեն: Քանի որ այդ կոշտ ու դառն ժամանակն ընտրած է հեղինակը, ստիպուած ալ է զայն իւրամբողջ խստութեամբ ու անկիւններովը պարզել, և չի քաշուի ներկայացընելու քստմեցուցիչ դէպքերու հետ՝ կոշտ զգածումներ ու բացատրութիւններ: Ներկայացուցած պատկերներէն շատերը չեն երևար հին վերարկուով ծածկուած, այլ այնպէս մը, իբր թէ ժամանակին մարդիկն այդպէս ըլլալու էին, որ խաղաղութիւնը անուամբ լոկ կը ճանչնային և իրենց կրից ու ձրից անարգել աճման ընդարձակ ասպարէզ ունէին: Գործքին արժէքը առաւել ևս կը բարձրանայ, եթէ ի նրկատի առնունք նաև այն մտադրութիւնը, զոր ունեցած է, պահել լեզուին միութիւնը և ներդաշնակութիւնը, տեղական ու յարմար գունատրուածը, նկարագիրներու ըստ բաւականի ճշգրիտ ու յաջող ստորագրութիւնը և տեղ տեղ հանճարեղ մտածումներ ու վճիռներ: Դժբախտաբար չկան այնպիսի առաւելութիւններ ալ, որոնց գոյութեամբը ընթերցողին պատրանքը կատարեալ կ'ըլլար, որ ինքզինքը փոխադրուած կը զգար նկարագրուած դարուն մէջ. զ. օր. պակաս է քննական հետազոտութեանց արդիւնքը, որոնցմով անձանց ու տեղեաց պարագաները ճշդութեամբ որոշուած ու պարզուած ըլլային, բացակայ են հին արձանագրութեանց և դիւանական աղբիւրներու նիւթեր, հին սովորութեանց ընծայութիւններ և այլն: Սակայն ի հարկէ այս պակասը կը յիշենք առանց վիպագրին իբր յանցանքը կամ մեղադրանքը ցոյց տալ ուղիւ: Իւր կողմանէ աշխատած է վէպը բազմակողմանի առաւելութիւն-

ներով օժտելու և յարգի ու պատուական ընծայելու և մեծաւ մասամբ յաջողած ալ է: Անկարելի է, որ ընթերցողին մտադրութեանէն վրիպի Մուրացանի երեակայութեան յառաջ բերած արդիւնքներէն հետեւեալը. Մուրացան իբր հնարագէտ վիպագիր, պատմական չոր ու ցամաք դէպքերը առհասարակ կ'արդիւնաւորէ իւր կողմէն հնարուած սկզբնապատճառներու այնպիսի հանճարեղ յղացումներով, որ ընթերցողէն հաւանութեան և հիացման արտայայտութիւն կը կորզին: «Գէորգ Մարգպետունով» Մուրացան միով բանիւ խոր զգայնութիւն արտայայտող և հոգեխօսօրէն ճարտար գունաւորեալ գծեր ու պատկերներ յառաջ բերող վիպագիր կը ներկայանայ մեզի: Նիւթն ամբողջապէս յառաջ բերել մեր սահմանէն դուրս կը համարինք, զայս ընել կը թողունք հայ մատենագրութեան և գրականութեան պատմութիւնը գրողներուն:

Մեծագոյն համբաւ կ'ունենար Մուրացան իբրև թատերագիր, եթէ ինքզինքը ամբողջապէս այն արուեստին նուիրէր: Միայն մէկ ողբերգութիւն ունինք իրմէ. բայց կերեայ թէ ուրիշ ալ գրած ըլլալու է. վասն զի իւր գրոց ցուցակին Թ. Հատորը պիտի բաղկանայ Թատերագրութիւններէ: Իւր սքանչելի Ռուզան ողբերգութիւնը (հրատ. «Թատրոն» հանդէսին մէջ, 1900 Դեկտ. Թ. 1.) ամբողջապէս յուզիչ ողբերգական դրուագ մըն է հիանալի նկարագրութեամբ և արուեստով: Թէպէտ գերծ չէ թերութենէ, սակայն վերջաւորութիւնը ամբողջովին ներդաշնակութիւնը կաւրէ. յանցանքը Հեղինակին չէ այլ հրատարակիչներուն և տպագրողներուն: Վասն զի ըստ Մինաս Բերբերեանի գրածին (Նոր-Պար, 1901, Թ. 70), Ռուզան հայրենասէր օրիորդը Հեղինակին ձեռագրին համաձայն, ինքզինքը թունաւորած է, որուն ակնարկութիւններն արդէն ողբերգութեան ընթացքին մէջ չեն պակսիր, մինչ տպագրուածին մէջ օրիորդը կը ներկայացուի լոկ անձնամատոյց եղած: Այս պատճառաւ զուր են ընդդէմ Մուրացանի յարուած խժեռանքները, իբր թէ հայ կնոջ աւանդական անյողողոգ բարոյականին չի համապատասխաներ իւր նկարագրած Ռուզանը:

ՄԱՏԵՆԱԽՕՍԱԿԱՆ

ԺԱՄԱՆԱԿԱԿԻՑ ՀԱՅԿԱԿԱՆ ՊՕԷԶԻԱՅԻ ՄԻ ՔԱՆԻ ԵՂԱՆԱԿՆԵՐ

Իւրիյ Վեսելովսկու ¹⁾

1.

Ժամանակից հայկական բանաստեղծութեան նշանաւոր եղանակները պարզել, հանել նշանաւոր գումարներ, բանաձևերի մէջ դնել այն մտքերը, հայեացքները, ցանկութիւնները, որոնք ցոյանում են առանձին բանաստեղծների ստեղծագործութիւնների մէջ,— ահա մի խնդիր, որ մինչև այժմ չի լրացուած, թէև գոյութիւն են ունեցել հայկական բանաստեղծութեան նորագոյն շրջանին նուիրուած քննական ուսումնասիրութիւններ, ի դիմաց նրա գլխաւոր ներկայացուցիչների: Այն ինչ նման աշխատութեան ժամանակը հասել է, հէնց նրա համար, որ նոր շրջանի առաջին բանաստեղծների գրական ասպարէզ իջնելուց արդէն անցել է աւելի քան 15 տարի և հետևաբար որոշ ինքնուրոյնութիւն է ստացել... Աչքի անցնելով առանձին բանաստեղծների երկերը, մենք շատ յաճախ կարող ենք նկատել նման եղանակներ և բնաբաններ, երբեմն իսկ արտայայտուած միևնույն ձևով: Այսօրինակ նմանութեան եթէ մենք պատահենք միայն երկու բանաստեղծների մօտ, դա համեմատաբար կուենայ քիչ նշանակութիւն. բայց երբ չորս-հինգ հեղինակներ միևնույն եղանակը կրկնում են, այդ, բնականաբար, ծգում է խորհրդածութիւնների մէջ...

Բանն այստեղ նրանում չէ բոլորովին, թէ ով է ումից վերցրել, ով է ում նմանել. այս հարցի խոր ուսումնասիրութիւ-

¹⁾ «Бак. Изв.»

նր կը լինէր իզուր և անհետեանք աշխատութիւն: Շատ յաճախ բանաստեղծներէից ոչ մէկը չի հետեւել իւր զրջի եղբորը, այլ դէպքում բոլորը ընդօրինակել են ռուս կամ արեւմտեան Եւրոպացի հեղինակին, կամ նոր ներդաշնակութեամբ պարզաբանել են այն եղանակները, որ ներդաշնակել են առաջին սերունդի հայ բանաստեղծները. վերջապէս եղել են այնպիսի դէպքեր, երբ ոչ մի ընդօրինակութեան մասին խօսք լինել չէ կարող, և նոր շրջանի զանազան բանաստեղծներ ուղղակի ուրտայայտել են մտքեր, կասկածներ, յոյսեր իրանց սեփական դրդումով, որ կրում էին օգի մէջ, որ բոլորին մօտ և հասկանալի էր:

Բռնածեի մէջ դնել բոլոր, առանց բացառութեան, հայկական նոր բանաստեղծութեան եղանակները, անկարելի է լրագրական յօդուածի շրջանակում,—ես այդ ի նկատի էլ չունեմ: Ես ցանկանում եմ վերցնել միայն մի քանի օրինակներ, զանազան բանաստեղծների (Յովհաննիսեան, Թումանեան, Ծատուրեան, Լեւենց, Մանուէլեան) երկերից, անել յայտնի համադրութիւններ, ամեն մի առանձին դէպքում հանել գումարներ: Թող սա լինի միայն աշխատութեան սկիզբը, առաջին փորձը, բոլոր նոր հայկական բանաստեղծութեան քննական հետազոտութեան մի յայտնի բաժինը, նրա բոլոր եղանակներով: Եթէ այս յօդուածը պատճառ կը դառնայ ուրիշ ուսումնասիրութիւնների երեւալուն, որոնք կրխօսեն հայկական բանաստեղծութեան գաղափարական բովանդակութեան և գեղարուեստական արժանաւորութիւնների մասին, ես իմ նպատակին հասած կը լինեմ:

Ժամանակակից հայ բանաստեղծներից մի քանիսը ունեն ոտանաւորներ, որոնց մէջ փառաբանում են մեծահոգի, ալտրուիստ գործչին, որ ամեն ինչ գոհում է իւր շրջապատողների օգտին, անշահասիրութեամբ աշխատում է մարդկանց համար, երբեմն մեռնում է, ինչպէս զինուորը իւր պահակում, շարունակելով մինչև վերջին շունչ աշխատել և բարին քարոզել: Ահա թէ ինչ ենք կարգում Յովհաննիսեանի մի ոտանաւորում.

Երբ նա դեռ նոր էր լոյս աշխարհ տեսել,—

Դառն աշխատութեան կարիքի զաւակ—

Աւանդ ըստացաւ սիրել և գործել,

Ճակատին ծանր խաչի նշանակ:

Աներկբայ մտքով, հաւատող հոգով,
Գարդում էր իւր խաչի քաղցրութիւն,
Ինչպէս խարազան երկաթի խօսքով
Նա հալածում էր շահ ու բռնութիւն:

Բանաստեղծը խօսում է այն հալածանքների մասին, որոնց հանդիպել է իւր ճանապարհին ճշմարտութեան և մարդասիրութեան այդ մոլենետիկը—մարդկանց կողմից, որ խոնարհուում են միայն ոչոքի սուռչ, եսականութեամբ և դաժանութեամբ են լցուած:

Եւ հաւատարիմ իւր կոչման մեռաւ,
Սուրբ ճշմարտութեան անբիծ նահատակ,
Իսկ սիրոյ նշանն անմահ դրօշմուեցաւ
Շատերի սրտում մէկի փոխանակ...

Կարդում ենք այդ ոստանաւորի վերջին ստան մէջ:

Լեռենցը «նրանց ճակատագիրը» ուսանաւորի մէջ խօսւում է երկու փոխադարձ սիրոյ կապերով կապուած յափշտակուածների մասին, որ դրա հետ միասին ոգևորուած են մի և նոյն ցանկութեամբ—աշխատել յօգուտ տանջուող, պաշտպանութեան և մխիթարութեան սպասող եղբայրների: Նրանք մեռնում են ճնշուած և լքուած կեանքով, այն ժամանակ, երբ շատ բան կարող էին անել իրանց մօտիկների համար,

Մարդիկ էլ յիշում էին անբաժան
Նրանց անուն ու գործ և կեանքը դաժան.

Եթէ մենք դառնանք Մատուրեանի ստեղծագործութիւններին, կրգտնենք նրա «Ճապանագիր» ուսանաւորը, որ դարձեալ բարձրացնում է անշահասէր, զաղափարական և մարդասէր գործչին:

Կանգնիր, ով անցորդ
Դու այս շերմի մօտ
Եւ հանգիստ կարգւա քաջ նահատակին,
Որ կռուի դաշտում
Սուր ու զէնք ձեռքում,
Զոր բերեց կեանքը իւր ազգի փառքին:
Բայց կարեկցութեան
Ո՛չ լաց, ո՛չ կական
Թող չպղտորեն քո սիրտն ու հոգին.
Նա լալ չէ սիրում,

Կռուել փոթորկում

Նահատակն ընկաւ ժպիտը դէմքին...

Պատկանեանից և մասամբ Շահ-Աղիզեանից սկսած, հայկական բանաստեղծութեան մէջ շատ գործածական է դարձել բանաստեղծի թափառումների արտայայտութիւնը: այս կամ այն պատմական լիշողութիւնների հետ կապուած, անցեալի փլատակներով և աւերակներով լցուած վայրերում: Այսպիսի երկերի դասական օրինակ կարող է համարուել Ռ. Պատկանեանի «Արաքսի Արտասուքը» — մի սաստիկ ուժեղ գործ, որն այժմ էլ, յիսուն տարուց յետոյ, ցնցող տպաւորութիւն է լծողնում և վկայում է այն անհերքելի ծիրքը, որ ցոյց է տուել բանաստեղծը իւր գրական գործունէութեան սկիզբներում: Պատկանեանի շաւղով են ընթացել նրա շատ հետեւողները, նրա նման նկարագրելով իրանց միայնակ թափառումները պատմական արժանաշիշատակ վայրերում, անցեալի մասին լիշողութիւններ, նախորդների հերոսութեան մասին մտքեր, ներկայիս անկատարելութիւնից առաջացած տրտունջներ: Երբեք չուն թափառումների մասին չի լիշում, բայց հեղինակը ստիպւած է մի որ և է հին գետի արտայայտել թախիժ, դառնալ զէպի մարդիկ կշամբիչ կամ լորդորիչ խօսքերով: Պատկանեանի համար այդ արել է Արաքսը — Յովհաննիսեանի «Տղմուտ» ռոմանտի մէջ նոյն գերն է կատարում մի գետ, որ կտրում է Աւարայրի դաշտը, որի վրայ 451-ին հայերը հերոսաբար կռուել են պարսիկների դէմ քրիստոնէական կրօնի և իրանց հայրենիքի պաշտպանութեան համար: Բանաստեղծին պատկերանում է, որ զիշեր ժամանակ, երբ ամեն ինչ ընկղմւում է քնի մէջ, Տղմուտը հեծեծում է, հառաչում է, ծածկւում է փրփուրով, լիշում է անցեալ դարերի, փառաւոր Վարդանի ժամանակի և նրա մարտակիցների մասին, փնտրում է իւր մտքերի և ողբի արժաւորները և չգտնելով այն, իրան սև վշտին է յանձնում:

Լեռենցը ունի «գիշերալին երեւոյթ» բանաստեղծութիւնը (Վարդանանց տօնի առիթով), որի մէջ պատմած է լնչպէս երբ՝
Հաղիւ թէ գիշերը իւր մութ քօղն է սըփողում՝

Երկինքը թաղւում է խաւար ամպերում,

Աւարայրի դաշտի վրայ երևում է Վարդան Մամիկոնեա-

նի ուրուականը, որ թողել է իւր գերեզմանը, որ դառնայ նոր սերնդին, Թովհաննիստեանցի բանաստեղծութեան մէջ, Տղմուտի տրտունջները չիշեցնող խօսքերով:

Բայց լուռ են մարդիկը—չըկայ արձագանք,

Այլ հողմն է ողբում լոկ, որոտն է անկանգ

Եւ վեր՝ մութ երկինքը քաշին է լսում

Եւ նրա հետ լալիս է թըշուառ ու տրտում:

Կարողւմ ենք վերջին տներից մէկում: Մանուէրեանն էլ զրա նման իւր «Անիի աւերակները» ռաւանաւորի մէջ նկարադրում է անցեալի հոյակապ աւերակների մասին ունեցած մտքերն և զգացմունքները, տալիս է նոյնպէս Ախուրեան զեւրի տխուր մտքերը:

2.

Ժամանակակից հայկական աւելի տարածուած և սիրուած եղանակներից մէկն է դիմում ներշնչուած բանաստեղծ—մարդարէին և մարտիկին, որ իւր կարող, ողևորութեամբ լցուած, «մարդկանց սրտերը վառելու» ընդունակ երգերով, կարող է հասարակութեան մէջ զարթեցնել կայտառութիւն և եռանդ, հաւատ ներշնչել մարդկանց, ծգտում դէպի լուռ ապագան, չիշեցնել նրանց եղբայրական սիրոյ, մարդասիրութեան, անշահասիրութեան բարձր գաղափարները, որ շատ չափաւ մոռացւում են առօրեայ կեանքի ժխորի մէջ, անպատկառ ետականութեան և խտրութեան աշխարհում: Այս գէպքում, անկասկած, մի աւելորդ անգամ պէտք է նկատել Նադսոնի ազդեցութիւնը, որի պօէզիային շնորհանրապէս շատ բան են պարտական հայ բանաստեղծները: Յիշեցէք, ինչպէս Նադսոնը, քանի մօտենում էր մահուան, աւելի և աւելի յաճախ արտայայտում էր այն յոյսը, որ հզօր—մարգարէ—ներշնչողը մարդկանց նոր խօսք կասի, կըզինուի փոքրոգութեան և քնի դէմ, իւր ողևորութեամբ կամրապնդի տանջուողներին և լքուածներին... «Թող խաբեբայ, բայց հաւատացող մարգարէն մեզ երգերով զգրպանին», «Ուր ես գու առաջնորդ և մարգարէ... Օ, ե՛կ և թօթափիր այս փղծուկի և քնի ծանրութիւնը»: «Ժամանակ է, երևացի՛ր, մարգարէ՛, արտմութեան ամբողջ ոյժով,

սիրոյ ամբողջ ոյժով աղաղակում եմ առ քեզ: Նայիր, ինչպէս զառամել ենք մենք, նայիր, ինչպէս յոգնել ենք, ինչպէս անօգնական ենք տանջող կռուի մէջ»...

Այս նաղսօնական եղանակը, երբեմն քիչ թուլացած և մեղափոխուած, մշակուած է ժամանակակից հայ բանաստեղծների շատ ստեղծագործութիւնների մէջ, ինչպէս Յովհաննիսեանի, Ծատուրեանի, Թումանեանի և այլոց: Նրանք բոլորը դիմում են մի ինչ որ երևակայական, զաղափարական բանաստեղծի կամ երգչի, նրանից կարող երգեր, նորոգութեան և կատարելութեան կոչ լսելու յուսով: Այսպէս Յովհաննիսեանը «Երգչին» բանաստեղծութեան մէջ, ջանկութիւն է յայտնում, որ այդ երգիչը

Թող զարթեցնէ համարձակ	Վառիր դու մեր սրտերում
Մեր քնէած զգացմունք:	Հուրը ազնիւ կրքերի—
Մենք չկամինք խ սրխափել	Երկրպագու ենք կանգնում
Ուաւարի մէջ տգիտութեան:	Ճշմարտութեան պատկերի:

Նոյն հեղինակի մի այլ բանաստեղծութեան մէջ—որ կրում է մի շատ բնորոշ մոկադիր Եսայի մարգարէից—մենք զանում ենք հեռւեալ դիմումը մարդիկ բանաստեղծին.

Մի թողիր, երգիչ, քնարըդ կախած

Որ նրան ժանգով տարիքը պատեն,

Ոսկի լարերին դու ոգևորուած

Զարկիր մատներով, թող զարձեալ հնչեն:

Թող հնչեն նորից հին երգը անմահ

Եւ վառեն սիրով սրտերը մարդկան,

Թող նոքա նորից օրհնիրդեն անմահ

Գործերը բարւոյ և կարեկցութեան:

Ինչպէս չէ կարող ձմեռն արգելել

Գալուստը շքեղ ծաղկաբոյր գարնան,

Նոյնպէս ճշմարիտ խօսքը խափանել

Ձէ կարող ձայնը անմիտ չարութեան:

«Աշուղ» բանաստեղծութեամբ Յովհաննիսեանը նման կոչով դիմում է Ժողովրդական երգչին, որին յորդորում է ազգային նուախարանի ներդաշնակութեամբ երգել զմայլեցնող, ոգելից երգ,—դենել նրա մէջ այն բողոքը, որ զգում, բայց չեն կարողանում արտայայտել նրա եղբայրները: Թող նրա երգը

լինի տխուր և մռայլ, նրա մէջ լսուեն արտասուքներ,—այնու-
ամենայնիւ նա կարող է ազդել մարդկանց վրայ իւր ճշմար-
տութեամբ, ստիպել նրանց ցնցուել, բացատրել նրանց պար-
տականութիւնը ճշդութեան վերաբերմամբ:

Բացէք Մատուրեանի բանաստեղծութիւնների բ. հատորը
և դուք կրգտնէք այնտեղ «Հայ երգչին» բանաստեղծութիւնը,
որ դարձեալ արտայայտում է, ներշնչուած բանաստեղծի հա-
մար անհրաժեշտ, նոյն միտքը,

Երգիր, որ ազատ քնարիդ լարերով

Ցնցես թելերը թմրած սրտերի

որը ցոլանում է Յովհաննիսեանի ոտանավորի մէջ: Հեղինակն
սկզբում ներկայացնում է տանջանքների, վհատութեան, փոզ-
րոգութեան ախուր պատկեր, յոյսերի, երազների և համարձակ
թուիչքների բացակայութիւն, և մինչև անգամ աւելի մեծ ե-
ռանդով, քան Յովհաննիսեանը կոչ է անում ժողովրդի բանա-
ստեղծ ներշնչողին, որի ժամանակ երբեմն հնչում են զուտ
նաղսօնական խաղեր.

Օ, երգիչ, երգիր մեզ հզօր երգեր,

Բոցավառ երգեր ոգևորութեան:

Երգիր մեզ անմահ, կորովի ձայնով

Փառք և յաղթանակ փայլուն գործերի,

Երգիր որ ազատ քնարիդ լարերով

Ցնցես թելերը թմրած սրտերի...

Երգիր... Թող քո երգն անկեղծ, ոգելից,

Որպէս ջերմ աղօթք հայրենասէրի,

Յրուէ մռայլը վհատ սրտերից,

Բանայ մեզ աղբիւր ոսկի յոյսերի...

Թող քո ոգեշունչ, կարող երգերով

Մովի պէս յուզուի հայրենի աշխարհ...

«Պօէտ» բանաստեղծութեան մէջ Մատուրեանը մի քիչ
ծնափոխելով պօէտ զաղափարը, վերցնելով նրանից մարդարէի
մի քանի դժերը, որով նա ամբոխից անհամեմատ բարձր է
կանգնած և իշխանաբար հպատակեցրել է իրան, որպէս զի նրան
բարու, դեղեղի և ճշմարտութեան ուղիով տանի,—այնուա-
մենայնիւ պարզեւում է նրան մխիթարիչի, տանջողների բա-
րեկամի առաքելութիւն, որ ընդունակ է կատարել հրաշքներ,

իրա մարդասիրութեամբ, կոչական երգով: Նա կոչում է այդ
պօէտին.

Պօէտ, դու հպարտ սէզ արծուի նման,
Բարձրից մի նայիլ տգէտ ամբոխին.

Երգիր նրան հաց և արդար վաստակ:
Երգիր նորան լոյս, բարիքներ ուսման,
Եղիր ամբոխին ուսուցիչ—ընկեր.
Նստիր նրա հետ մի ճաշի սեղան,
Շօշափիր մօտից դու նորա վէրքեր...

Ապրիր նորա հետ, նորա տանջանքով,
Մի զգուիր նրան ձեռքդ պարզելու.
Դու ոյժ ներշնչիր նորան քո երգով—
Ուսուարի կապանքն անվախ փշրելու:

Համարեա նոյնպիսին գտնում ենք երրորդ ժամանակակից
բանաստեղծ Լևոն Մանուէլեանի մօտ, որ կրում է «Պօէտ»
վերնագիրը, որի մէջ գովում է ի վերուստ շնորհուած, ներշնչ-
ուած երգչին, որ անվեհերութեամբ և յուսով է լցուած,
ծգտում է բարձր նպատակի, ընդունակ է մարդկանց քաջալե-
րելու և մխիթարելու... Հեղինակը կոչում է այդ «երգիչ-մար-
դարէին» իւր երազներից ամբոխին մասն հանել, ցոյց տալ նր-
բան նոր հորիզոններ... Բանի որ միաժամանակ մի քանի բա-
նաստեղծներ նոյն դիմումներն են անում, նրանք ահամայ զրա-
ւում են մեր ուշադրութիւնը և պէտք է միևնոյն կարգի մէջ
մտցրուեն:

(Վերջը հետևեալ համարում)



ԱՄՍՈՒԱՅ ՏԵՍՈՒԹԻՒՆ

ՎԵՂ. ՄԱՏԹԷՈՍ ԻԶՄԻՐԼԵԱՆ

Նորընտիր Վեհ. Մատթէոսի կաթողիկոսական կոչման մէջ հաստատուելու մասին թէպէտեւ դեռ պաշտօնապէս Պ. Բուրգից լուր չկայ ոչ մամուլի մէջ, ոչ էջմիածին, բայց տեղւոյս թերթերի հաղորդած տեղեկութիւնների համեմատ Կ. Պօլսի ուսական դեսպանատունը ծանուցել է այդ մասին իրան Իզմիրլեան սըրբազանին և վերջինս էլ հեռագրով շնորհակալութիւն արել Կայսեր:

Կ. Պօլսի թղթակիցները զանազան տեղեկութիւններ են հաղորդում, թէ հայ ժողովուրդը շնորհաւորանքներ է ուղղել Վեհին հաստատութեան առթիւ, թէ բժիշկները բարւոք են համարում յետաձգել մի քանի ամսով դէպի Կովկաս ուղևորութիւնը, թէ Ն. Ս. էջմիածին գալուց առաջ Պ. Բուրգ կուղևորուի Ն. Մ. Գահոյից իր շնորհակալութիւնը յայտնելու հաստատութեան առթիւ, մինչև անգամ հաղորդում են թէ հետը ովքեր կուղևկցեն և այլն ևլն:

Զարմանալի է սակայն, թէ ինչպէս է, որ մինչև այժմ ոչ մի պաշտօնական հաղորդագրութիւն չկայ էջմիածին, որը անկարող է լրագրական լուրերի համեմատ կարգադրութիւններ անել նորընտիր հայրապետի ընդունելութեան համար:

Մինչդեռ Պօլսահայ լրագիրներն աւետում են նոյն իսկ, որ «ս. Հայրապետը շուտով հայրապետական պատարագ պիտի մատուցանէ Կ. Պօլսոյ Մայր եկեղեցւոյն մէջ»:

ՍԻՑԻԼԻԱՅԻ ԱՂԷՏԸ

Բնութեան ամեն մի չնչին երևոյթ ներշնչում է մարդու պատկառանք որքան էլ ուսումնասիրած ու յայտնի լինի նա գիտութեան: Մարդու համար, որ դեռ չի կարողացել թափանցել գոյութեան իմաստը, չգիտէ սկիզբն ու վերջը, որ մոլորում է բնութեան ու կեանքի հազարաւոր գաղտնիքների լաբիրինթոսի մէջ, կարող ենք, առանց չափազանցութեան ասել, որ զարհուրելի են այն սոսկալի բնական աղէտները, որ երկրի գոյութեան շրջանում տեղի են ունենում նոյն իսկ երկրի վրայ:

Պոմպէյ, Անի, Մարտինիկ կղզի. այս պատմական անուններին աւելացաւ մի անուն ևս, Սիցիլիա կղզի, որ իւր աղէտի թարմութեամբ ու չափով մոայլեցնում է մարդու միտքը ու նուազեցնում նրա մեծութիւնը բնութեան մէջ: Մարդը կրում է իւր վրայ բնութեան աղէտի հետեանքը, անգոր ու անօգնական հասկանալու այն աղէտի պատճառները, որը առաւ իւր գիրկը 150 հազարից աւելի մարդ ու աւելի մեծ քանակութեամբ մարդիկ թողեց թշուառ ու տառապալից դրութեան մէջ:

Միտքն ու գգացումը անկարող կղան մեղմացնել բնութիւնը, այնքան թշուառ է մարդը:

Գիշերուայ անթափանց մթութեան մէջ դրդաց երկիրը, տեղաց ուժգին անձրև, ալիկոծուեց ծովը ու ալիքները փրփրալից բարձրացան հրկինք: Կապոյտ ջրերի սպիտակ փրփուրի մէջ թաղելով մի ամբողջ քաղաք: Գետինը բացեց իւր ահոհիլ բերանը ու գերեզման դարձաւ մի ամբողջ քաղաքի, նրա անցեալով ու ներկայով...

Մտքի շնորհիւ երկրագնդի միջից իսկ ձեռք բերած վառուող նիւթը կլանեց այն ամենը, ինչ որ ինայել էին գետինն ու ալիկոծ ջրերը:

«Մօնտերբելլօ» նաւը փրկեց 500 մարդ. նրանք զարհուրած պատմում էին աղէտի մասին ու Դանտէի նկարագրած դժոխքը իւր գոյներով նսեմանում էր այդ պատմածի առաջ:

Մի երերում ևս ու բնութիւնը գրկեց նորից իւր անտարբեր սառնութիւնը:

Հանգստացաւ Սիցիլիա կղզին...

Լռեցին ծովի ալիքները, անձրևը դադարեց ողողել փլատակները...

Թրթռաց զուարթ լուսաբերը ու եկաւ սփոփելու թողած խաղաղ կեանքն ու մարդկային անդորրութիւնը:

Բայց իզո՛ւր...

Ծովի ջրերի վրայ լողացող թշուառ փլատակները դիմաւորեցին նրան, գեղածիծաղ Սիցիլիայի բնութեան ու ծովի, զուարթ աղջիկ ու տղայի փոխարէն:

Ալյանդակուեցին եզրները, փոխուեց Միսինի նեղուցը...

Կործանուած Սիցիլիան մարդկութեան համար մի նոր ապացոյց է թէ՛ որքան փոքր է մարդը բնութեան ոյժի առաջ. որքան խեղճ է նա ու անօգնական: Եւ եթէ այդ այդպէս է, որ անհերքելի է, ուրեմն որպիսի ոչնչութիւն է մարդը իւր առօրեայ կեանքում...

ՅՕԲԵԼԵԱՆՆԵՐ

❏ Վերջին ամիսները պտղաբեր եղան հայութեան համար մի քանի հայ գործիչների յօբելաններով: Համակրողները կատարեցին «Աղբիւր» մանկական ամսագրի 25 ամեայ գոյութեան յօբելանը արքունի թատրոնում: Յիրաւի գնահատութեան արժանի է այդ մարմնացեալ եռանդի գործունէութիւնը հրատարակչական ասպարիզում և թերթիս խմբագրութիւնը իւր ժամանակին շնորհաւորեց յօբելարին:—Բազուի հայ հասարակութիւնը տօնեց Բազուի հայ թատրոնի յիսնամեակը: Իսկ այս օրերս նոյն Բազուն հանդիսաւոր կերպով տօնեց հայ նշանաւոր դերասանուհի տ. Սիրանոյշի 35 ամեայ բեմական բեղմնաւոր գործունէութիւնը: Ժամանակակից և ականատես լինելով ութսունական թուականների հայ թատրոնի զարգացման և այն հիացմունքին ու յափշտակութեան, որով Թիֆլիսի հայ հասարակութիւնն ընդունեց Կ. Պօլսի հայ բեմի երկու սիւններ օր. օր. Աստղիկին և Սիրանոյշին, որ մի նոր յիղաշրջում առաջ բերեց ռուսահայ թատրոնի կեանքի մէջ, մենք վկայ եղանք, որ այդ երկու օրիորդները, տ. Հրաչեայի և Ազամեանի հետ միասին հիմք դրեցին ռուսահայ նոր թատրոնին և ստեղծեցին մի ամբողջ բեմական սերունդ: Մեր շնորհաւորութիւնները մատուցանելով շնորհալի տիկնոջ՝ մաղթում ենք նորան առաւել գեղեցիկ ապագայ:

Լ ՈՒՐ Ե Ր

❏ Մենք խոստացիլ էինք «Լումայի» ներկայ համարում տալ մեր աշխատակից հանգ. Մուրացանի մասին մի տեսութիւն և նորա վերջին պատկերը: «Հանդէս ամսօրեայի» մէջ կարդում ենք Հ. Հ. Հ.-ի մի յօդուած նորա մասին, որը կարող է ծառայել իբր անաչառ քննադատութիւն տաղանդաւոր վիպասանի մասին, ուստի և արտատպում ենք ներկայ համարում փոքրիկ յապաւումնեւրով, տալով նաև նորա լուսատիպ պատկերը:

❏ Ամեն. Օրմանեան սրբազանը անցեալ գեկտ. 16-ին մի նոր ընդարձակ գիր է ուղղել վեհ. Իզմիրլեանին, իբրև Կ. Պօլսի Պատրիարքի, յայտնելով, որ ինքը պարբերաբար ազգային ժողովին է ուղարկել իւր 12 տարուայ բոլոր հաշիւները, գործերը, չէկերն ու դրամները և յայտնել է թէ «Պատրիարքարանի բոլոր գործերը վարչական ժողովներու խորհրդակցութեամբ և որոշմամբ,

համերաշխութեամբ և գործակցութեամբ կատարուեցան և... Ձեզ կթողում իմաստասիրել և եզրակացնել, թէ ինչ բանէ առաջ եկած կրնայ ըլլալ, ձեռքի տակ եղող հաշիւները քննել չուզել, օրինաւոր համարատուութիւն մը ունենալ չուզել, ակնյայտնի և նիւթական եղելութիւն մը ճանչնալ չուզել և մտացածին կարծիքներու իբր ամբաստանութեանց կարեւորութիւն տալ ուզել» (Բիւզանդիոն թ. 3721). և խնդրում է պէտք եղածը կարգադրել:

Կ. Պօլսի լրագիրներում կարդում ենք, որ Այնթապում դիտաւորութիւն կայ Կիլիկեան բարձրագոյն դպրոց բանալ, որի համար բաւականին խոշոր դրամագլուխ են կազմել. Կիլիկեցի ծանօթ գրագէտ Արմաշական Ներսէս վ. Դանիէլեանի յորդորանքով այդ գումարից 4000 օսմ. ոսկի (մօտ 40,000 ռուբլի) յանձնել են Պօղոս Նուբար փաշային շահեցնելու և հետզհետէ աւելի խոշոր դրամագլուխ կազմելու այդ նպատակով:

Պետական Դումայում վերջերս մտցրած է Կովկասի մասին հարցապնդում, որ շատ ամղկալից նիստեր առաջ բերեց այնտեղ և ուր Կովկասի փոխարքայ կոմս Վօրօնցով-Պաշկովի կողմից ուղարկած է բացատրութիւններ տալու բարօն Նօլդէն, որ վերջերս կարճ ժամանակով եկել էր Թիֆլիս իրերի դրութեան հետ մօտիկ ծանօթանալու համար: Որովհետեւ հարցը դեռ անորոշ վիճակի մէջ է, հետեւանքի մասին իւր ժամանակին մենք կտանք մանրամասն տեղեկութիւն:

Հայ գրականութիւնը այս օրերս հարստացաւ մի նոր հրատարակութեամբ. առանձին մեծ հատորով լոյս տեսաւ հին և յայտնի կրիտիկոս Գար. Ենգիբարեանի մատենախօսական գրութեաների ժողովածուն, որ ցրուած էին Մշակում, Արձագանքում և Լումայում. եւ ինչպէս լսում ենք, այս օրերս մամուլին կյանձնուի նոյն հեղինակի մատենախօսական գրութեաների երկրորդ հատորը:

«Հայրենիք» լրագիրը, որի երկրորդ տարուայ առաջին համարը լոյս տեսաւ յունուարի 1-ին և որը պիտի հրատարակուէր 1909 թուին իբրեւ յաւելուած «Լումայի», խմբագրութիւնից անկախ պատճառներով միառժամանակ դադարում է մինչև բարեյաջող հանգամանքները:

Վերջերս Թիֆլիսում ձերբակալուեցան մի խումբ հայ գրական գործիչներ և ինտէլիգենցիայի անդամներ:

Բեթլիսի հայերը մի համախօսական հեռագրով յայտնել են Պօլսի, որ այնտեղ բանտարկուած են մի քանի դաշնակցականներ: Ներքին գործոց նախարարն այդ մասին հեռագրով բացատրութիւններ է ուզել Բիթլիսի կուսակալութիւնից:

«Միտք» լրագրի երկու համար լոյս տեսնելուց յետոյ՝

նորա խմբագիր պ. Արշակ Եղիզարը հիւանդանալով՝ ստիպուած եղաւ առժամանակ դադարեցնել թերթը:

■ Լոյս է տեսել «Գիւղպտնտես» անունով մի նոր շաբաթաթերթ, որի հրատարակութեան որոշ չափով զրամական նպաստներ են առել Կովկասեան գիւղատեսական ընկերութիւնը և մի քանի հայ հաստատութիւններ:

■ ԽՄԲԱԳՐՈՒԹԻՒՆԻՑ.— «Լումայի» ներկայ համարում ենք տպում ենք այն լրագիրների յայտարարութիւնները միայն, որոնք տպել են «Լումայի» յայտարարութիւնը:

■ «Բազմավէպ»-ի խմբագրութեան.— Մենք մի անգամ էլ խնդրում ենք Ձեզ ուղարկել խմբագրութեանս հանգ. Մուրացանի ընդարձակ յօդուածը, որ ինքը հեղինակը մեր միջոցով պահանջել էր Ձեզանից, բայց որ մինչև այժմ չհաճեցաք հասցնել մեզ և ոչ իսկ պատասխանել:

ՆԱՄԱԿ ԽՄԲԱԳՐՈՒԹԵԱՆ

Անձեռնհաս գտնուելով առանձին առանձին պատասխանել ամսոյս 27-ին՝ անուանակոչութեանս տարեդարձի առիթով, հեռագրով և նամակով ինձ շնորհաւորութիւն և բարեմաղթութիւն ուղղող գերապատիւ սրբազան եպիսկոպոսներին, բարեշնորհ վարդապետներին, բարեկրօն քահանաներին և յարգելի քաղաքացիներին՝ խնդրում եմ Ձեր բարեհաճ թոյլտուութիւնը՝ «Լումայ»-ի միջոցով յայտնել նրանց ամէնքին սրտագին զոհունակութիւնս, մաղթելով յԱստուծոյ բոլորի համար յաջողութիւն, անտրտում ուրախութիւն, կատարեալ առողջութիւն, երկնաւոր և երկրաւոր ամենակերպ մխիթարութիւն:

ՍՈՒԲԻԱՍ ԱՐՔԵՊՍ. ՊԱՐԶԵԱՆՑ

29 Յունուարի 1909 ամի
սուրբ Էջմիածին.

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

Ալէքս.— Ատրպետին. Ձեր նոր յօդուածի մասին Ձեզ նամակ կգրենք:

Մալիան. բժ. Մ. Արամեանցին. Շնորհակալութիւն Ձեր համակրական նամակի համար: Ձեր առաջարկութեան նամակով կպատասխանենք: Գրքերը ստացել ենք:

Էջմիածին.— Յար. Պետրոսեան. Բանաստեղծութիւնները ստացել ենք. շնորհակալ ենք Ձեր բարեմաղթութիւնների համար:

Վաղարշապատ. Մ. Բ. Շարունակեցէք: Շնորհակալութիւն:

— Ծովին. Ի՞նչ էք լուել:

Ն. Նախիջևան. Ե. Շահազիզին. Ձեր յօդուածի շարունակութիւնը կտպուի հետեւեալ համարում:

Կ. Պօլիս. Բնապդատին—Խնդրում ենք ուղարկել Ձեր յօդուածները շարունակութիւնը: Նամակ կգրենք:

Բագու. Գ. Ե.—Ուղարկեցէք խոստացած յօդուածը:

Ն. Բայազիտ. Խանդաղէ. Ձեր վէպը կտպենք հետեւեալ համարից:

ՍՏԱՑՈՒԱԾ ԳՐՔԵՐ

Գար. Ենգիբարեանց. Մատենախօսութիւն. Թիֆլիս 1909 1 ռ. 25 կ.
Ղազար Փարպեցի. Ղուկասեան մատենադարանի հրատ. 1909 30 կ.
Գրական-դիտական ժողովածու. խմբ. Ե. Թօփչեան. հրատ. տիկ.

2. Մեհրաբեան. Թիֆլիս 1909 1 ռ. 50 կ.

Յովհ. Թումանեան. Անբախտ վաճառականներ. Թիֆլիս. 1909 թ. 35 կոպ.

— Շունն ու կատուն. 25 կ.

— Ուլիկը. 15 կ.

— Անյաղթ արշուրը. 15 կ.

— Ծիւղը. 15 կ.

— Աղուէսը. 15 կ.

Օրացայց. Երուսաղէմի տիպ. 1909.

Խմբագիր-Հրատարակիչ՝ ԳԻՒՏ Ա. ՔԱՀ. ԱՂԱՆԵԱՂՅ

ՅԱՅՏԱՐԱՐՈՒԹ ԻՒՆՆԵՐ

Բացուած է 1909 թ. բաժանորդագրութիւնը
(ԶՈՐՐՈՐԴ ՏԱՐԻ)

Հ Ա Ս Կ Ե Ր

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց

մեծադիր գրքայիներով նախկին ընդարձակ ծրագրով

Մշտական աշխատակցութեամբ ՅՈՎՀ. ԹՈՒՄԱՆԵԱՆԻ ԵՒ ՍՏ. ԼԻՍԻՅԵԱՆԻ

Ամսագիրը ունինաւ ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափուում են ընտանեկան կրթութեան վերաբերեալ կարեւորագոյն հարցեր:

ԲԱԺԱՆՈՐԴԱԳԻՆՆ Է ՃԱՆԱՊԱՐԱՆԱԽՈՎՈՎ

Տարեկան ՀԱՍԿԵՐ, մանկ. բաժին 3 ռ. մանկավարժ. բաժ. 4 ռ.

Կէս տարուանը 1 ռ. 80 կ. 2 ռ. 10 կ.

Մէկ ամսուանը — 30 կ. — 35 կ.

Պարսկաստանում 3 ռ. 50 կ. 4 ռ. 50 կ.

Արտասահմանում տարեկան ԻՆԸ ՖՐ. ՏԱՍՆԵՐԿՈՒ Ֆ կ.

Հրատարակութեան սկզբից մինչև 1909 թ. վերջը 11 ռ. 15 ռ.

Խմբագրատան հասցէն՝ Թիֆլիս, Բեհրութեան փող. 25

(Тифлисъ, Редакция журнала «Аскеръ» Tiflis (Caucase) Ré-daction du journ. «Hasker».)

Խմբագիր-Հրատարակիչ՝ Կատ. Լ.Խոսեցեան

БАКУ

ЕЖЕДНЕВНАЯ ОБЩЕСТВЕННАЯ-ЛИТЕРАТУРНАЯ, ПОЛИТИЧЕСКАЯ ГАЗЕТА

Подписная цена газ. «Баку»

Съ доставкой въ Баку на годъ 7 р., 11 мѣс. 6 р. 50 к., 10 м. 6 р., 9 м. 5 р. 50 к. 8 м. 5 р., 7 м. 4 р. 50 к., 6 м. 4 р., 5 м. 3 р. 50 к., 4 м. 3 р., 3 м. 2 р. 50 к., 2 м. 1 р. 50 к., 1 м. 1 р.

Съ пересылкой въ другіе города: на годъ 8 р. 50 к., 11 м. 7 р. 50 к., 10 м. 7 р., 9 м. 6 р. 50 к., 8 м. 6 р., 7 м. 5 р. 50 к., 6 м. 5 р., 5 м. 4 р. 50 к., 4 м. 4 р., 3 м. 3 р., 2 м. 2 р. 50 к., 1 м. 1 р. 50 к.

За границу: на годъ 15 руб. на полгода 8 руб.

Подписываться можно на всѣ сроки, но не иначе какъ съ перваго числа каждаго мѣсяца. За перемѣну адреса просить выслать пять семикопѣчныхъ марокъ.

Отдѣльные номера газ. «Бакинское Эхо» продаются въ конторѣ газеты и у разносчиковъ по 5 к.

Плата за объявленія: для мѣстныхъ—впереди текста за строку петита или занимаемое ею мѣсто 20 к., позади текста—15 к. Для иногороднихъ—впереди текста—25 к., позади текста—20 к. за строку петита. Многократныя объявленія—по соглашенію съ конторой. Объявленія отъ лицъ, ищущихъ труда, печатаются за половину платы.

Подписка и объявленія принимаются въ конторѣ редакціи ежедневно, кромѣ праздниковъ, отъ 10 до 8 час. дня безпрерывно. Адресъ редакціи: Баку, Молоканская ул. гостиница «Кавказъ», телеф. № 518.

Отдѣленіе редакціи—Барятинская, гост. «Пассажъ», отъ 9 ч. утра до 3 ч. вечера.

ՀԱՆԳ

Գրական, հասարակական, տնտեսական, գեղարվեստական շաբաթաթերթ

Բազմալ Լ. Կուլսուրական միութեան օրգան

Բաժանորդագիրն է, տարեկան 6 ռ., չափը 10 կ.

Баку, Редакция «ЗАНГЪ»

ԳԵՂԱՐՈՒԵՍ

Գրական, գեղարվեստական, երաժշտական

10 գիրք 10—ռ., 6 գիրք—8 ռ., 4 գիրք—5 ռ., մէկ գիրք—2 ռ.

Тифлисъ, Редакция «Гехарвестъ»
Tiflis (Caucase) rédaction «Kegharvest».

Խմբ.-հրատ. Գար. Լեւոնեան

Продолжается подписка
на 1909 г.

На большую ежедневную политическую, общественную и литературную
ГАЗЕТУ

„Новая Русь“

Издается при ближайшемъ участіи А. А. Суворина и по-
стоянныхъ сотрудниковъ «Русси».

Подписная цѣна

Съ дост. и пер. На годъ 12 р., на 6 м. 7 р., на 1 м. 1 р.
30 к.: Безъ доставки 10 р., на 6 м. 5 р. 50 к., на 1 м. 1 р.: За
границу 20 р. на 6 м. 11 р. на 1 м. 2 р.

Подписка принимается только съ 1 числа каждого мѣсяца и не
долѣе конца года,

При подпискѣ съ 1 января на годъ допускается разсрочка: при
подпискѣ—5 руб. въ апрѣлѣ—4 р. и въ іюлѣ—3 р. При желаніи под-
писаться въ разсрочку—необходимо обязательно указывать каждый
разъ на переводѣ о томъ, что это взносъ въ разсрочку, и переводить
только упомянутую сумму.

При подпискѣ на срокъ менѣе года разсрочка не допускается.

Подписная цѣна для г.г. студентовъ, сельскихъ учителей, духо-
венства, сельскихъ фельдшеровъ на годъ—9 руб., а помѣсячно—90 коп.,
разсрочка же допускается только съ 1 января на годъ: при подпискѣ
—4 р., въ апрѣлѣ—3 р. и въ іюлѣ—2 р.

Издатель Г. М. Михинъ

Редакторъ И. Н. Заіончковскій

Продолжается подписка до конца 1909 года

— На газету —

„Тифлиссскій Листокъ“

ПОДПИСНАЯ ЦѢНА

Съ 1-го февраля до конца года.

Съ доставкой въ Тифлисъ 4 р. 75 к.

Съ пересылкой для иногородныхъ 6 р. 50 к.

Подписка принимается: на любой срокъ но только съ 1 числа каждого мѣ-
сяца, исключительно въ конторѣ изданія, Головинскій проспектъ. № 15.

ԱՂԲԻՐ-ՏՄԻՐԱ

Բաժանորդագիրն երկուսը միասին
պրեմիաներով տարեկան 10 ր.
Հասցեն՝ Թիֆլիս, Րեդ. շրջան
«Արթուր-Տարազ», Tiflis, red. «Ag-
bur-Taraz».

Ա Ր Ա Ր Ա Տ

Ամսագիր.

Բաժանորդագիրը 4 ր.
Հասցեն՝ Րեդակցիա «Արարատ» Բա-
ղաշապատ.

Լ ՈՒՄ Ա Յ

ՀՐԱՏԱՐԱՆՈՒԹԵԱՆ 14 ՏԱՐԻ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳԻՐ

1909 թուին Լուման լոյս կտեսնի իւր նախկին դիրքով ամեն ամսի 20-ից յետոյ, բաղկացած 48—80 հրեաներից: Ինչպէս միշտ, հարկաւոր դէպքերում, կտրուեն պատկերներ հասարակական երեոյթների առթիւ:

ՊԱՅՄԱՆՆԵՐ

1. Նիւթերը պիտի գրուած լինին պարզ, մի էջի վրայ և ոչ աւել քան 32 տպ. երես:
2. Արտատպութիւն ոչ մի դէպքում չի տրուում:
3. Նիւթերը չեն վերադարձնուում. յետ ստանալ ցանկացողները պիտի ուղարկեն փոստի ծախք:
4. Չտպուող նիւթերի մասին ծանուցում է տրուում ամսագրի մէջ պատասխանների լաժնում:
5. Թարգմանական նիւթեր ընդունուում են շատ կարճ և ընտիր հեղինակների:

ԲԱԺՆԷԳԻՆՆ Է տարեկան 6 ռ., կէս տ. 4 ռ.,
Արտասահման „ 8 „ „ 5 „

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.

Մամուլի տակ է և շուտով լոյս կը տեսնի

Գ. Գալսեանի Հրատ.

Հ. Բ Օ Ն Լ

Ա Ն Գ Լ Ի Ա Յ Ի

ՔԱՂԱՔԱԿԱՆ ԿՐԹՈՒԹԵԱՆ

ՊԱՏՄՈՒԹԻՒՆԸ

Թարգմ. ՎԱՐԴԳԷՍ ԱՂԱՆՆԱՆՅ